

ԵՐԱԿՐԾՆԵԱ ԿԱՅԱԿՐԱՆ

ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ

Ամենայն Հայոց Կաթողիկոսն ընդունեց



Փետրվարի 7-ին

Խորվաթիայի Հանրապետության արտաքին և եվրոպական գործերի նախարարի գլխավորած պատվիրակությանը

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց Խորվաթիայի Հանրապետության արտաքին եւ եվրոպական գործերի նախարար Գորդան Գրլիչ Ռադմանի գլխավորած պատվիրակությանը:

Հանդիպմանը Նորին Սրբությունը հյուրերին ներկայացրեց Հայ Եկեղեցու կարեւոր դերակատարությունը հայ ժողովրդի կյանքում՝ մշտելով, որ այսօր եւս Հայ Եկեղեցին շարունակում է իր այդ կարեւոր առաքելությունը:

Հայոց Հայրապետը հույս հայտնեց, որ պատվիրակության այցը Հայաստան խթան կհանդիսանա երկու երկրների բարեկամական հարաբերությունների զորացման եւ արդյունավետ համագործակցության ամրապնդման համար:

Անդրադարձ կատարելով տարածաշրջանում տիրող դժվարին կացությանը եւ Ադրբեջանի կողմից Լաչինի միջանցքի արգելափակմանը՝ Նորին Սրբությունն իր մտահոգությունը հայտնեց Արցախի ժողովրդի խաղաղ եւ ազատ ապրելու իրավունքի դեմ նոր ոտնձգությունների ու դրանց հետեւանքով ստեղծված հումա-

նիտար աղետի առնչությամբ: Հայոց Հայրապետը կարեւոր նկատեց միջազգային հանրությանը՝ այդ թվում Խորվաթիայի հետեւողական ջանքերի գործադրումը Լաչինի միջանցքի վերաբացման, Ադրբեջանի վերահսկողության տակ անցած տարածքում հայկական հոգեւոր ու պատմամշակութային ժառանգության պահպանման ուղղությամբ, ինչպես նաեւ Հայաստանի սահմանների նկատմամբ Ադրբեջանի դրսեւորած նկրտումների կանխման գործում:

Հանդիպմանն Ամենայն Հայոց Կաթողիկոսն անդրադարձավ նաեւ հայ գերիներին վերդարձման խնդրին՝ ակնկալելով, որ Խորվաթիայի իշխանությունները եւս գործունէ քայլեր կձեռնարկեն այս ուղղությամբ:

Իր հերթին նախարար Գորդան Գրլիչ Ռադմանը, շնորհակալություն հայտնելով ջերմ ընդունելության համար, ընդգծեց, որ պատվիրակության այցը Հայաստան նաեւ նպատակ է հետապնդում ըստ ամենայնի ծանոթանալու տարածաշրջանում ստեղծված իրավիճակին եւ իրենց նպաստը բերելու խնդրի խաղաղ կարգավորմանը:

Փառ Հայրապետը հույս հայտնեց, որ Պորտուգալիայի իշխանությունները եւս մշակակալի ներգրավվածություն կունենան տարածաշրջանում խաղաղության եւ կայունության հաստատման գործում:

Հանդիպմանն Ամենայն Հայոց Կաթողիկոսն անդրադարձավ նաեւ Ադրբեջանի վերահսկողության տակ անցած տարածքներում հայկական հոգեւոր ու պատմամշակութային ժառանգության պահպանման հիմնախնդրին:


Զրույցի ընթացքում Վեհափառ Հայրապետը գոհունակությամբ փաստեց, որ Պորտուգալիայում գործող «Գալուստ Գյուլբենկյան» հիմնադրամը կարեւոր ավանդ է ունեցել հայ ժողովրդի կյանքում, որի աջակցությամբ 1954 թվականին նաեւ իրականացվել է Մայր տաճարի հիմնադրույթը:



Իր հերթին դեսպան Մադալենա Ֆիշերը եւս ընդգծեց Լաչինի միջանցքի վերաբացման անհրաժեշտությունը: Դեսպանը նաեւ կարեւորեց կրթության ոլորտում Հայաստանի եւ Պորտուգալիայի համագործակցության խորացումն ու ընդլայնումը:

Փետրվարի 14-ին

Կորեա-Հայաստան բարեկամական խմբի պատվիրակությանը



Հանդիպմանն անդրադարձ կատարվեց տարածաշրջանում տիրող կացությանը եւ հետպատերազմյա մարտահրավերներին: Ամենայն Հայոց Կաթողիկոսն իր մտահոգությունը հայտնեց Լաչինի միջանցքի արգելափակման հետեւանքով ստեղծված հումանիտար աղետի, ինչպես նաեւ գերիների վերադարձման եւ Ադր-

Փետրվարի 10-ին

Հայաստանում Պորտուգալիայի Նորանշանակ դեսպանին

Ամենայն Հայոց Կաթողիկոսն ընդունեց Հայաստանի Հանրապետությունում Պորտուգալիայի Հանրապետության նորանշանակ դեսպան Մադալենա Ֆիշերին:

Հայոց Հայրապետը, շնորհավորելով դեսպանին մշակակման կապակցությամբ, մաղթեց վերջինիս արդյունավետ առաքելություն՝ ի նպաստ հայ-պորտուգալական բարեկամական կապերի առավել զորացման:

Անդրադառնալով տարածաշրջանում առկա իրավիճակին եւ Ադրբեջանի կող-

մից Լաչինի միջանցքի արգելափակմանը՝ Նորին Սրբությունն իր մտահոգությունը հայտնեց արցախահայության անվտանգ ու խաղաղ ապրելու իրավունքի դեմ ոտնձգությունների եւ դրանց հետեւանքով ստեղծված հումանիտար աղետի առնչությամբ: Հայոց Հայրապետը կարեւոր նկատեց միջազգային հանրության ջանքերի գործադրումը Լաչինի միջանցքի վերաբացման եւ արցախյան հիմնախնդրի խաղաղ կարգավորման հարցում: Վեհա-

Ամենայն Հայոց Կաթողիկոսն ընդունեց Կորեա-Հայաստան բարեկամական խմբի ղեկավար Կիհուն Սոնի գլխավորած պատվիրակությանը:

Նորին Սրբությունը, գոհունակություն հայտնելով երկու երկրների միջեւ հաստատվող գործակցային հարաբերությունների առնչությամբ, հույս հայտնեց, որ պատվիրակության այցը Հայաստան նոր խթան կդառնա հայ-կորեական կապերի առավել խորացման համար:

Հայոց Հայրապետը վերհիշեց դեռեւս 2013 թ. Հարավային Կորեա կատարած իր այցը՝ Եկեղեցիների համաշխարհային խորհրդի գլխավոր համագումարի առիթով:

Բեջանի վերահսկողության տակ հայտնված տարածքներում հայկական հոգեւոր-մշակութային ժառանգության անխաթար պահպանման առնչությամբ՝ կարեւորելով միջազգային հանրության հետեւողական ջանքերի գործադրումը՝ կանխարգելելու Ադրբեջանի որդեգրած ծավալապաշտական քաղաքականությունը:

Իր հերթին Կիհուն Սոնը կարեւոր նկատեց ջանքերի ներդրումը՝ ուղղված հայ-կորեական համագործակցության սերտացմանը: Պատվիրակության ղեկավարը կարեւորեց նաեւ տարածաշրջանում խաղաղության հաստատման անհրաժեշտությունը:

Տյառնընդառաջի նախաժողովի Մայր Աթոռում

Փետրվարի 14-ին Հայաստանյայց Առաքելական Սուրբ Եկեղեցին նշեց Տյառնընդառաջի տոնը, որը խորհրդանշում է 40-օրյա մարգեղացյալ Աստվածորդու՝ մանուկ Հիսուսի ընծայումը տաճարին:

Տեղումնական տոնի սկիզբն ազդարարվեց փետրվարի 13-ի երեկոյան: Օրվա առիթով, Ն. Ս. Օ. Ս. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի նախագահությամբ, Սուրբ Գայանե եկեղեցում կատարվեց երեկոյան ժամերգություն: Հավարտ ժամերգության, հանդիսացնելով Ամենայն Հայոց Կաթողիկոսի, տեղի ունեցավ նախատոնակ, որից հետո կատարվեց տարվա առաջին Անդախտանի



կարգը՝ օրհնվեցին աշխարհի չորս կողմերը: Այնուհետև «Քրիստոս փառաց» տաղի երգակցության ներքո Սուրբ Գայանե եկեղեցում

խորանի կանթեղից վառված մոմով Նորին Սրբությունը Հիսուս Քրիստոսին խորհրդանշող կենսատու լույսը փոխանցեց ներկա հավատավոր ժողովրդին: Նախատոնակից հետո հոգեւորականների թափոմն ուղղվեց դեպի միաբանական շենքի շրջափակ, ուր ներկայությամբ հավատացյալ հայորդիների, ձեռնադրված Տյառնընդառաջի խարույկը:

Ն. Ս. Օ. Ս. Տ. Գարեգին Երկրորդ Ամենայն Հայոց Կաթողիկոսը Տյառնընդառաջի տոնը հռչակել է Նորաստիճանի օրհնության օր: Այս կապակցությամբ փետրվարի 14-ին եկեղեցիներում մատուցված սուրբ պատարագի ավարտին, կատարվեց նորաստիճանի զուգորդում կարգ:

Ճավակցագիր Սիրիայի Հանրապետության նախագահին

Փետրվարի 6-ին Ն. Ս. Օ. Ս. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսը ցավակցել է Սիրիայի Հանրապետության նախագահ Բաշար Ալ Ասադին՝ տեղի ունեցած երկրաշարժի հետևանքով բազմաթիվ զոհերի ու ավերածությունների կապակցությամբ:

Իր ցավակցագրում Նորին Սրբությունը մխիթարություն ու սփոփանք է մաղթել անմեղ զոհերի վշտակիր հարազատներին եւ շուտափույթ ապաքինում՝ վիրավորներին: Հայոց Հայրապետը հայցել է, որ Բաշարյան իր օրհնության ներքո պահի բարեկամ Սիրիային՝ պազեւելով խաղաղ ու ապահով օրեր:

Տյառնընդառաջի տոն Մայր Աթոռում

Փետրվարի 14-ին՝ 40-օրյա մանուկ Հիսուս Քրիստոսի տաճարին ընծայման տոնին, Ն. Ս. Օ. Ս. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի օրհնությամբ, Սուրբ Գայանե վանքում մատուցվեց սուրբ պատարագ:

Պատարագիչն էր Մայր Աթոռ Սուրբ Էջմիածնի քրիստոնեական դաստիարակության կենտրոնի տնօրեն Տ. Զաքարիա Ժ. վրդ. Բաղդույանը: Իր քարոզում հայր սուրբն անդրադարձավ տոնի խորհրդին՝ մարդ եւ Աստված հանդիպման կարեւորությունը. «Այդ սպասված հանդիպումը կարող է հիմնովին փոխել յուրաքանչյուրիս կյանքը, վերափոխել, վերադասավորել նույն կյանքի հանդեպ մեր առաջնայնություններն ու պատկերացումները՝ հնարավորություն տալով գլխավորը զանազան երկրորդականից, անժամանակ՝ ժամանակավորից, հոգեւորը՝ նյութականից, հայրենիքը՝ պարզ հողից: Միայն այս դեպքում կսկսենք այլ աչքերով նայել մեր ապրածին, վրա հասած փորձություններին, մեզ շրջապատող մարդկանց վարքին եւ ավելի ուշադրություն կդարձնենք հոգեւոր-բարոյական արժեքներին, այսինքն՝ կմտածենք եւ կգործենք քրիստոնեաբար: Եվ այդ ժա-

մանակ աստվածատուր կյանքը կդառնա ավելի հետաքրքիր ու նպատակասլաց, իսկ ժամանակավոր դժվարությունները եւ փոթորիկները՝ Տիրոջով հաղթահարելի»: Հայր Զաքարիան նաեւ հավելեց, որ Աստուծո հետ հանդիպումն առավել ամբողջական է դառնում, երբ մասնակցում ենք սուրբ պատարագին եւ սուրբ հաղորդություն ստանում:

Սրբազան արարողության ավարտից հետո, հանդիսացնելով Մայր Աթոռի լուսարարապետ Տ. Մուշեղ եպս. Բաբայանի, կատարվեց նորաստիճանի զուգորդում կարգ:

Այնուհետև Գարեգին Երկրորդ Ամենայն Հայոց Կաթողիկոսն ընդունեց Մայր Աթոռի տարբեր կառույցներում սպասավորող նորաստիճանի սարկավագներին՝ ուղեկցությամբ Տ. Մուշեղ եպս. Բաբայանի:

Վեհափառ Հայրապետն իր գնահատանքն ու հայրապետական պատգամը փոխանցեց սարկավագներին՝ նշելով, որ իր համար՝ իբրեւ Հայոց Հայրապետի, հաճելի է տեսնել, թե ինչպես են սարկավագներն ընտանիքներ կազմում: Նորին Սրբությունը վստահություն հայտնեց, որ շատերը, Աստուծո կամոք, մոտ ապագայում իրենց նվիրյալ ծառայությունը կբերեն Հայ



Եկեղեցում անդաստանում՝ որպես ամուսնացյալ թախաններ:

Հայոց Հայրապետն անսահման երջան-

կություն մաղթեց երիտասարդ զուգորդին, աստվածային սեր եւ խաղաղություն նրանց նորակազմ ընտանիքներին:

Վարդապետական թեզի ռաւոհանություն եւ գալագանի զվշություն

Փետրվարի 13-ին Ն. Ս. Օ. Ս. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի օրհնությամբ Մայր Աթոռ Սուրբ Էջմիածնի Գեւորգյան հոգեւոր ճեմարանի հանդիսությունների սրահում տեղի ունեցավ վարդապետական թեզի բանավոր պաշտպանություն:

Մասնավոր վարդապետական աստիճան ստանալու համար «Վանականների ուխտադրության կարգը Հայոց եկեղեցում» թեմայով թեզ պաշտպանեց Մայր Աթոռի միաբան Տ. Անանիա արք. Ծատուրյանը:

Հանձնաժողովը նախագահում էր Տավուշի թեմի առաջնորդ Տ. Բագրատ եպս. Գալստանյանը: Հանձնաժողովի կազմում ընդգրկված էին նաեւ Արագածոտնի թեմի առաջնորդ Տ. Սկրտիչ եպս. Պռոշյանը, Մասիսցոտնի թեմի առաջնորդ Տ. Գեւորգ եպս. Սարգսյանն ու Երեւանի Ս. Գրիգոր Լուսավորչի մայր եկեղեցու հոգեւոր տեսուչ եւ ԵՊՀ աստվածաբանության ֆակուլտետի դեկան Տ. Անուշավան եպս. Ժամկոչյանը:

Պաշտպանության ընթացքում հայր սուրբը ներկայացրեց իր վարդապետական թեզը եւ պատասխանեց հանձնաժողովի անդամների հարցերին:

Հավարտ բանավոր պաշտպանությանը քննիչ հանձնախումբը դրական եզրակացություն տվեց վարդապետական թեզի պաշտպանությանը եւ արժանի համարեց



Տ. Անանիա արք. Ծատուրյանին ներկայացնելու մասնավոր վարդապետության աստիճանի տվչություն:

Նույն օրը, ձեւավորված ավանդույթի համաձայն, Ամենայն Հայոց Հայրապետի բարձր տնօրինությամբ Օշականի Ս. Մեսրոպ Մաշտոց եկեղեցում, ձեռնադրված Մայր Աթոռի միաբան Տ. Արարատ եպս. Գալթազյանի, մասնավոր վարդապետության աստիճան տրվեց Տ. Անանիա արք. Ծատուրյանին:

Այնուհետև հայր Անանիային ընդունեց

Ամենայն Հայոց Կաթողիկոսը՝ ուղեկցությամբ Մայր Աթոռ Սուրբ Էջմիածնի լուսարարապետ Տ. Մուշեղ եպս. Բաբայանի եւ Մայր Աթոռի միաբան Տ. Արարատ եպս. Գալթազյանի:

Նորին Սրբությունը շնորհավորեց եւ իր պատգամն ու օրհնությունը բերեց հայր սուրբին՝ բարձր գնահատելով նրա երկարամյա նվիրյալ եւ խոնարհ ծառայությունը Հայ եկեղեցու անդաստանում: Վեհափառ Հայրապետը վստահություն հայտնեց, որ նորընծա վարդապետն առավել պա-

տասխանատվությամբ կշարունակի իր առաքելությունը նաեւ հավատացյալ հայորդիների հոգեւոր կրթության եւ դաստիարակության գործում:

Վերջում Հայոց Հայրապետը վարդապետական ակնակուռ լաւջախաչ նվիրեց Անանիա վարդապետին եւ Պահպանիչ աղոթքով օրհնեց նրան:

Լրատվական նյութերը՝
Մայր Աթոռ Սուրբ Էջմիածնի
տեղեկատվական համակարգի

Տյառնընդառաջ

Փրկչին՝ մեր Տեր Հիսուս Քրիստոսին ընդառաջ գնալու, մեր սրտի դռները Նրա առջեւ բաց անելու սրբազան խորհուրդն է կրում Հայ Առաքելական Սուրբ Եկեղեցու տոնացույցում իր ուրույն տեղը զբաղեցնող այս տոնը: Ինչպես մյուս բոլոր տոնախմբությունների, նույնպես եւ Տյառնընդառաջի ակունքը մեր Տեր Հիսուս Քրիստոսի փրկավետ տնօրինության ու երկրային կյանքի մի հանգրվանն է:

Հիսուս դեռեւս մանուկ էր՝ թույլ եւ անպաշտպան, խոսել էլ չէր կարողանում, սակայն որքան խոսում, որքան ուսուցանելի դաս ու պատգամ է մեզ տալիս իր ընծալաբերության այս տոնի խորհրդով: Հիսուս Ինքն իսկ է գլխավոր խորհուրդը. բոլոր խորհուրդները ծագում են հանգում են Աստվածորդու որքան սուրբ ու երկնային, նույնքան իրական ու մարմնեղեն Անձին:

Ուրեմն հրճ էր եկեղեցու գլխավոր խորհրդակատարի՝ մեզ մատուցած այս խորհրդի պատգամը: Ավետարանը պատմում է. «Եվ երբ ութ օրերը լրացան, եւ Նա թափառվեց, Նրա անունը Հիսուս դրվեց, ինչպես իրեշտակի կողմից կոչվել էր, երբ դեռ չէր հղացվել մոր որովայնում: Երբ որ նրանց սրբագործման օրերը լրացան, Մովսեսի Օրենքի համաձայն՝ Նրան երուսաղեմ տարան՝ Տիրոջը ներկայացնելու համար, ինչպես գրված էր Տիրոջ Օրենքում.... Արդ, երուսաղեմում Սիմեոն անունով մի մարդ կար, եւ այդ մարդը արդար ու աստվածավախ էր եւ ակնկալում էր Իսրայելի մխիթարությունը. եւ Սուրբ Հոգին էր նրա մեջ: Եվ Սուրբ Հոգուց հրամայված էր իրեն մահ չտեսնել, մինչեւ որ տեսներ Տիրոջ Օծյալին: Նա Հոգով առաջնորդված՝ եկավ տաճար, եւ երբ ծնողները բերեցին Հիսուս մանկանը՝ Նրա վրա կատարելու ինչ որ օրենքի սովորության համաձայն էր, Սիմեոնը Նրան իր գիրկն առավ, օրհնեց Աստծուն եւ ասաց. «Այժմ, ի՞նչ է, խաղաղությամբ արձակիր Քո ծառային՝ ըստ Քո խոսքի. որովհետեւ աչքերս տեսան փրկությունը Քո, որ պատրաստեցիր բոլոր ժողովուրդների առաջ, լույս, որ կլինի հայտնություն հեթանոսների համար եւ փառք՝ Իսրայելի Քո ժողովրդի համար» (Դուկ. Բ 21–32):


Անսահմանության ու հավիտենականության Աստված սահմանավորության ու ժամանակի մեջ մտավ հանուն մեզ, որպեսզի մեզ եւս արժանի դարձնի երկնային անանց ու մշտնջենավոր բարիք-

ներին: Եվ, ահավասիկ, Քրիստոս Իրեն ենթակա համարեց մարդկային օրենքներին, ու իր աստվածամարդկային մարմնով կատարեց այդ օրենքները: Տյառնընդառաջի պատումի հոգեւոր պատգամը, սակայն, գլխավորաբար բխում է մարդկային հոգու՝ աստվածային բնակության համար պատրաստ լինելու իրողությունից: Այդպիսի մի կերպար էր Սիմեոն ծերունին, որի «արդար» ու «աստվածավախ» բնորոշումները մեզ տալիս են տոնի խորհուրդը լիարժեք ըմբռնելու բանալին:

Դեռեւս հինկտակարանյան ընկալման համաձայն՝ արդար էր համարվում հայրենի հավատքին միակ ու ճշմարիտ Աստծու դավանանքին անխախտ ու անսասան մկրտում ունեցող անձը. մի առաքելություն, որով զարդարված էին Աբրահամը, Իսահակը, Հակոբն ու մյուս արդարները: Արդարությունը, նույնն է թե՛ Աստծու հանդեպ հավատք ունենալու իրողությունը, զուտ կրավորական բնույթ չունեւր ոչ Հին եւ ոչ էլ Նոր Կտակարանում: Արդարությունն ազդու, ներգործուն կամքի դրսեւորում է, որը պատրաստակամություն է ենթադրում հանուն Աստծու մկրտաբերելու լավագույնը, ինչպես որ Աբրահամն իր ամենաթանկագին զավակին ընծայեց Աստծուն: Ի համեմատություն այս օրինակի՝ մշեմը, որ Սիմեոն ծերունին Աստծուն էր մկրտաբերել իր կյանքի երկար ու ձիգ տարիները՝ ծառայելով եւ մշտապես հավատարիմ մնալով Նրան:

Աստծուն ընդառաջ գնալու առաջին հատկանիշը, որ պահանջվում է ճշմարիտ քրիստոնյայից, ինչպես արդեն մշվեց, հավատն է առ Աստված, իսկ ահա երկրորդ նախապայմանը երկրորդաժողովունն է: Երկրորդաժողովունը ոչ այլ ինչ է, եթե ոչ սիրո մեջ թաթախված այն մրբանկատությունը, որը զսպում է մարդկային աստվածասեր հոգուն եւ թույլ չի տալիս մեղանչել՝ այն քաջ գիտակցումով, որ մեղքը խոցում է Արարչին ավելի, քան որեւէ այլ բան: Աստծու հանդեպ երկյուղն է, որ ուղղորդում է դժվարին իրավիճակներում ապավինելու Տիրոջ կամքին եւ ոչ թե սեփական կարողությանն ու զորությանը: Ի հավելումն մշյալի՝ Աստծու հանդեպ երկյուղաժողովունը մատն բացառում է մարդկանց հանդեպ խրոխտ ու հպարտ կեցվածքով հանդես գալը եւ սովորեցնում, որ միակ Զորավորն ու Ամենակարողն Ինքը՝ երկնային Տերն է:

Ահավասիկ, եթե աստվածա-



վախ ծերունու մամողությամբ Տիրոջ հանդեպ հավատք ու երկյուղ ունենանք, նույն Ինքը՝ Տերը, մեզ պիտի լցնի եւ շնորհագրորդի Սուրբ Հոգու զորությամբ՝ կարող դարձնելու տեսնել, հաղորդակցվել եւ շոշափել ճշմարիտ Լույսը, որը հայտնություն է անհավատների համար եւ փառք՝ Աստծու ժողովրդի՝ մեզ ամենքիս համար: Մովսեսը եւս Սինա լեռան վրա

տեսավ այդ Լույսը, ու նրա աչքերն անգոր եղան դիմագրավելու Տիրոջ փառքի ճառագայթներին: Հիսուս Քրիստոսով արդեն մեզ համար մարմնապես տեսանելի այդ Լույսի ճառագայթները գալիս ու փարվում են ամենքիս հոգուն՝ կամենալով բնակություն հաստատել աստվածային այդ տաճարներում:

Այդ Լույսն ընդունելու, փոխադարձաբար փարվելու եւ Նրան

գրկախառնվելու ներուժը, սակայն, ամենքիս կամքից է կախված: Քրիստոս քայլում է մեզ ընդառաջ, ուրեմն ի՞նչ է մնում անել մեզ՝ քրիստոնյաներիս, եթե ոչ Սուրբ Հոգու զորությամբ գոտեւորված՝ ելնել Տիրոջն ընդառաջ ու օրհնեցությամբ բացականել: «Իմ այս մարմնեղեն աչքերը տեսան Քո երկնային փրկությունը, Տեր, որ խաչի սրբազան Նշանի ճառագայթումով պարուրում է քրիստոնյաներիս: Ուրեմն արի՛ ու բնակվիր իմ հոգու օթեւաններում, որ պատրաստել եմ Քո սրբազան ներկայության համար, որպեսզի մատն հոգուս աչքերով անդադար տեսնեմ, զգամ Քո ներկայությունը: Փարվիր ինձ, Տեր, որպեսզի չսասանվեմ, եւ քայլեցրո՛ւ Դու ինձ, ի՞նչ մանուկ Հիսուս, Քո կյանքի ամենաճշմարիտ ճանապարհով, որովհետեւ Դու իսկ ես ճանապարհը, ճշմարտությունը եւ կյանքը....»:

Ահա Տյառնընդառաջի հոգեւոր խորհուրդը: Ինչ վերաբերում է տոնի ծիսաարարողակարգային ու ժողովրդական խորհրդաբանությանը, ապա մշեմը, որ տոնի նախօրեին՝ երեկոյան ժամերգության ավարտին, Անդաստանի արարողությամբ օրհնվում են աշխարհի չորս կողմերը, ինչը խորհրդանշում է խստաշունչ ծնունդ ավարտը եւ ջերմ զարման սկիզբը: Այնուհետեւ, ժողովրդական սովորույթի համաձայն, եկեղեցիների բակերում խարույկ է վառվում, ինչի առնչությամբ հարկ է հիշատակել Ս. Գրիգոր Տաթևացու խոսքերը. «Ինչպես Տիրոջը տաճարին ընծայելու ժամանակ ժողովուրդը ջահերով եւ կանթեղներով ելավ Նրան ընդառաջ, մեք էլ նույն օրինակով կրակ ու ջահ ենք վառում եւ Տիրոջ գալստյան նախատոնակը կատարում: Հեթանոսներն Աստծու պատիվը կրակին էին մատուցում, իսկ մեք կրակը, որպես Քրիստոսի ծառա, բերում ենք Նրան ծառայեցնելու»:

ԱՄՏԱ ՀՈԿԱՏՓՅԱՆ

Տյառնընդառաջի շարական

Կույսից մարմին առած
Նախահավիտյան Բանդ Աստված,
Դու այսօր եկար տաճար՝
Օրենքը կատարելու
Ազգերի փրկության համար:

Դու, որ բազմում ես անձեռակերտ Գահին,
Բարեբանվածդ հրեշտակներից,
Այսօր Սիմեոնի ձեռամբ գրկվեցիր,
Որպեսզի մեզ հավիտենական կյանքն ընծայես:

Դու, որ ամենքին մեղքերի շղթաներից
Արձակում պարգետողն ես,
Այսօր ծերունու աղերսանքներով
Ինձ՝ բազմամեղիս էլ
Արձակիր մահվան կապանքներից
Եվ արժանի դարձրու հավիտենական կյանքին:

Գրաբարից փոխադրությունը՝
Գեորգ սրկ. ԿԱՐԱՊԵՏՅԱՆԻ

Մի մոմի խոհերից

Ինձ վառեցիր եւ այժմ մայրի իմ լույսին: Դու վայելում ես իմ պայծառությունը, այն ջերմությունը, որը ես տալիս եմ: Եվ ես երջանիկ եմ, որ կարող եմ այրվել քեզ համար: Եթե այդպես չլինեիր, ես կարող էի դրված լինել ինչ-որ մի հին փոշոտ արկղի մեջ՝ անիմաստ, անօգտակար, մոռացված: Ես այրվելով եմ միայն իմաստ ստանում:

Որքան երկար եմ այրվում, այնքան կարճանում եմ, մկազում, հատում: Գիտեմ, որ միշտ երկու տարբերակ ունեմ՝ կամ մնալ արկղում՝ անձեռնմխելի, մոռացված, մթության գրկում, կամ այրվել՝ կարճաճալ, ամեն ինչ տալ հանուն լույսի ու ջերմության: Այնպես որ, ես շարժվում

եմ իմ գոյության ավարտին ընդառաջ: Եվ այնուամենայնիվ, ինձ համար ավելի հաճելի ու իմաստալից է ինչ-որ բան տալ կարողանալը, քան առան ու մռայլ տուփի մեջ պարփակված մնալը...

Նայեք, նույնն է մատն ձեր պարագայում, մարդիկ: Կամ դուք մեկուսանում եք, մնում ինքներդ ձեզ հետ՝ սառնության ու դատարկության մեջ, կամ մոտենում եք մարդկանց եւ նրանց տալիս ձեր ջերմությունն ու սերը. այդ ժամանակ միայն ձեր կյանքը կիմաստավորվի: Սակայն դրա համար անհրաժեշտ է ինչ-որ բան տալ ձեզանից՝ ինչ-որ բան ձեր ուրախությունից, ձեր ջերմությունից, ձեր ծիծաղից, միգուցե մատն ձեր

տխրությունից... Դուք առավել հարուստ կդառնաք միայն այն դեպքում, եթե ձեր ունեցածը տաք ուրիշներին: Միայն նրանք, ովքեր երջանկացնում են ուրիշներին, նրանք կարող են իսկապես երջանիկ լինել: Որքան շատ ես այրվում ուրիշների համար, այնքան ավելի լուսավոր է դառնում քո ներսը: Հավատացած եմ՝ շատերի համար մութ է միայն այն պատճառով, որ նրանք վախենում են լույս լինել ուրիշների համար: Մեկ վառվող լույսն ավելին արժե, քան աշխարհի ողջ խավարը: Ուրեմն թույլ տվեք, որ մի հասարակ մոմ ձեզ մի փոքր քաջալերի:

Պատրաստեց Ա. Վ.



Նայ Առաքելական Սուրբ Եկեղեցու տոնացույցում Սուրբ Սարգսի տոնն առանձնահատուկ տեղ է զբաղեցնում. այն խորհրդանշում է սերը՝ համամարդկային արժեքներից ամենագեղեցիկն ու վեհը:

Սուրբ Սարգիս զորավարը համաքրիստոնեական մեծագույն սրբերից է: Նրա անվան հետ են կապված բազմաթիվ սրբատեղիներ: Սուրբը հռչակվել է իբրեւ անհաղթ ռազմիկ՝ բարբարոսների դեմ մղված ճակատամարտերում, ինչպես նաեւ գթասիրտ քրիստոնյա՝ իր ունեցվածքից սիրահոծար աղքատներին բաշխող:

Մեծն Կոստանդիանոս կայսրը (285–337 թթ.) արիության համար Սարգսին կարգում է իշխան եւ սպարապետ Չայաստանին սահմանակից Կապադովկիայում: Սարգիսը ոչ միայն նշանավոր սպարապետ էր, այլ նաեւ հիանալի քարոզիչ: Օգտվելով կայսեր համաձայնությունից՝ նա իր իշխանության տակ գտնվող քաղաքներում քանդում է մեհյանները, կառուցում եկեղեցիներ, տարածում քրիստոնեությունը: Հուլիանոս Ուրացողի օրոք (360–363 թթ.) սկսվում են եկեղեցու դեմ դաժան հալածանքներ, եւ Սարգիսը, աստվածային հայտնությամբ հրաման ամենելով հեռանալ կայսրության սահմաններից, իր որդու՝ Մարտիրոսի հետ գալիս, ապաստանում է քրիստոնյա Չայաստանում, որտեղ թագավորում էր Տիրան արքան՝ Մեծն Տրդատի թոռը՝ Խոսրովի որդին: Տեղեկանալով, որ Հուլիանոսը մեծ զորքով շարժվում է դեպի Պարսկաստան՝ Չայոց արքան, փորձելով իր երկիրը զերծ պահել հարձակման վտանգից, հորդորում է Սարգսին ծառայության անցնել պարսից արքունիքում: Շապուհ արքան սիրով ընդունում է զորավարին եւ նշանակում զորագնդերի հրամանատար: Ձորականներից շատերը, տեսնելով փայլուն զորավարի բարեպաշտությունն ու վարքով վկայված նվիրումն առ Աստված, նրա աղոթքներով Տիրոջ գործած հրաշքները, հրաժարվում են հեթանոսությունից եւ դառնում քրիստոնյա: Պարսից արքունիքում ծառայելու ընթացքում Սարգիսը բազում քաջագործություններ է կատարում: Այստեղ մոգերն ու մոլեռանդները նրան մեղադրում են պարսկական բանակում քրիստոնեություն տարածելու մեջ, ինչի պատճառով Շապուհը հրամայում է բանտարկել նրան: Այդ ժամանակ սպանվում է Սարգսի որդին՝ Մարտիրոսը՝ ընդունելով նահատակության պսակը: Շապուհը պահանջում է Սարգսից ուրանալ Քրիստոսին, ապաշտել կրակը եւ գոհ մատուցել: Ձորավարն արիաբար հրաժարվում է՝ ասելով. «Երկրպագելի է մեկ Աստված՝ Ամենասուրբ Երրորդությունը, Որն ստեղծել է երկինքն ու երկիրը: Իսկ կրակը կամ կուռքերն ի բնե աստվածներ չեն, հողեղեն մարդը դրանք կարող է փչացնել»: Նա անսասան է պահում իր հավատքը, որի համար եւ գլխատվում է: Պարսից զորականներից տասնչորս հոգի, որոնք քրիստոնեություն էին ընդունել, սրբի մարմինը փաթաթում են կտավով, որպեսզի թաղեն, սակայն Շապուհի հրամանով սպանվում են նաեւ նրանք: Հավատավորները թաքուն վերցնում են նահատակների եւ սրբի մարմիններն ու ամփոփում Համիան քաղաքում: Հայոց Հայսմավուրքների վկայությամբ՝ հետագայում Մեսրոպ Մաշտոցը սրբի մատուցները բերում է Հայաստան եւ ամփոփում Կարբի գավառի Ուշի գյուղում: Նա այդ վայրում՝ մատուցների վրա, եկեղեցի է կառուցում, որը սիրելի ուխտատեղի է դառնում հավատավոր ժողովրդի համար: Ուխտի օրն ուշեցիների տանը մեծ խմբույթ է կազմակերպվում: Նրանք այդ օրը հյուրընկալում են դրսում ապրող իրենց հարազատներին: Հաճախ ուխտավորների թիվն այնքան մեծ է լինում, որ վանք տանող ճանապարհով բարձրանալը շատ դժվար է դառնում:

Սուրբ Սարգսի տոնը շարժական է եւ այս տարի նշվեց փետրվարի 4-ին: Այդ օրը եկեղեցիներում սուրբ պատարագ է մատուցվում: Սուրբ Սարգսի տոնին նախորդում է Սուրբ Գրիգոր Լուսավորչի հաստատած Առաջավորաց պահքը, որը տևում է հինգ օր: Եվրոպայում Սուրբ Սարգսի հիշատակի օրը նշվել է իբրեւ կեսարացի սրբի տոն՝ փետր-



Սուրբ Սարգիս զորավար

վարի 24-ին, իսկ հույները տոնել են հունվարի 20-ին: Հայերը նախկինում այս տոնը նշել են հունվարի 31-ին:

Սուրբ Սարգսի անունով կառուցվել են բազմաթիվ սրբավայրեր, մենաստաններ, գյուղեր, բերդեր, եկեղեցիներ: Թալինի Մաստարա գյուղի մոտ՝ ձորի մեջ, կա մի քար, որն անվանակոչել են «Սուրբ Սարգսի քար»: Ասում են՝ Սարգսի ձին ոտքը խփել է այդ քարին, ինչի համար քարն այդպես են կոչել:

Սուրբ Սարգսի տոնը նշվում է ոչ միայն ծեսով, աղոթքներով ու սուրբ պատարագով, այլ նաեւ ժողովրդական գեղեցիկ, յուրահատուկ ավանդույթներով: Տոնի խորհրդանշական ուսեստը փոխինձն է, որի գործածությունը տոնին նախորդող հինգ օրերին արգելվում է: Սրբի տոնի նախորդ օրը՝ երեկոյան, տանտիրուհիները՝ հատկապես տարեցները, վերցնում էին սկուտեղները, փոխինձ կամ ալյուր լցնում, դնում դռան հետեւը կամ կտուրին՝ հուսալով, որ Սարգիսը կայցել է իր ձիու պայտի հետքը կողմի փոխինձի կամ ալյուրի վրա: Ամսահաման երջանկություն էր, երբ առավոտյան ստուգում եւ փոխինձի վրա հայտնաբերում էին ձիու պայտի հետքը:

Մի գեղեցիկ ավանդապատում եւս: Աղքատ Աշուղ Ղարիբը սիրում է մի մեծահարուստի աղջկա՝ Շահ-Սանամին: Վերջինս եւս սիրում է նրան, բայց Աշուղն աղքատ էր, եւ աղջկա հայրն արգելում է նրանց ամուսնանալ, քանի որ մտադրված էր դստերը կնության տալ մի մեծահարուստի: Աշուղ Ղարիբը որոշում է մեծ կարողություն կուտակելու համար աշխատելու գնալ օտար երկիր. մինչ այդ Աշուղն իր սիրած էակից խոստում է առնում՝ յոթ տարի սպասել իրեն:

Պայման է դնում, որ եթե ուշանա անգամ մեկ օր, աղջիկը թող ամուսնանա հոր ցանկությամբ: Այդ յոթ տարին շատ ծանր է անցնում Աշուղ Ղարիբի համար. նա զրկված էր իր սիրելիին տեսնելու հնարավորությունից, որեւէ լուր չունեւ նրանից, սակայն չէր հուսահատվում: Յոթ տարի շարունակ գիշերուզօր աշխատելով՝ Աշուղ Ղարիբն ունեցվածք է ստեղծում եւ տունդարձի ճամփան բռնում: Ճանապարհը լի էր փորձանքներով եւ խոչընդոտներով: Թվում էր՝ Աշուղ Ղարիբը հույսը պետք է կորցնի, չի հասնի իր սիրած էակին. նա աղոթում է արագահաս սրբին՝ Սարգսին՝ հայցելով նրա օգնությունը: Սուրբ Սարգիսը, լսելով սիրահարված Աշուղի աղոթքը, իսկույն հայտնվում է իր արագավազ ճերմակ մոկուզով բարձրացրած մորիկի մեջ, Ղարիբին նստեցնում ձիու գավակին եւ հասցնում Շահ-Սանամի մոտ: Աղջկա հայրը, տեսնելով Աշուղ Ղարիբի կամքը, կատարված հրաշքը, նրանց անկեղծ սերն ու նվիրվածությունը, օրհնում է երկուսի միությունը:

Սուրբ Սարգսի օգնությունն էին հայցում նաեւ այն սիրահար զույգերը, որոնք, իրենց ծնողների կամքին հակառակ, փախել էին միասին: Նրանք գիշերուզօր աղոթում էին, որ բարեգութ սուրբը մեղմացնի, հանդարտեցնի իրենց զայրացած ծնողների սրտերը՝ իրենց ներելու ակնկալիքով: Սրբին աղոթում եւ նրա օգնություն էին խնդրում նաեւ հղի կանայք:

Սուրբ Սարգսին բնորոշում են իբրեւ բարեխոս, ատենահաս, շնորհատու, մուրազատու, արագահաս եւ այլն: Արագահաս սուրբ բնորոշումը խորհրդանշում է սրբի՝ ժամանակին օգնության հասնելը: Պարսիկները նրան կոչել են «անհաղթ վկա պարսից եւ կատարող բոլոր խնդրվածքների»:

Սուրբ Սարգսի տոնին ամենատարածված ավանդույթը աղի բլիթ պատրաստելն ու ուտելն էր, ինչը, ի դեպ, շատ տարածված է նաեւ այսօր: Տոնին նախորդող գիշերը երիտասարդներն աղի բլիթ են ճաշակում՝ գիշերն իրենց փեսացուին կամ հարսնացուին տեսնելու հույսով. հավատում են, որ այդ գիշեր երազում իրենց ջուր տվող իրենց կյանքի ընկերն է լինելու: Եթե բաժակը լիքը լինի, ապա շատ երկար են միասին ապրելու:

Նախկինում Սուրբ Սարգսի տոնին երեխաներին նվերներ էին տալիս. մասնավորապես՝ երգիկից կախված գուլ-պաների մեջ տատիկները սովորաբար դնում էին տոնի ծիսական կերակուրներից եւ մի քանի մանրադրամ: Այս սովորույթն Ուշիում մինչ օրս պահպանվել է, ճիշտ է՝ մի փոքր փոփոխված. այդ օրը ծնողները երեխաների համար նվերներ են գնում:

Ոչ վաղ անցյալում Սուրբ Սարգսի տոնին շատ էին հարսանիքները: Ապագա հարսի տեղը մատնանշելու համար մեծահասակները յուրօրինակ եղանակ էին ընտրել. աթարից ամրոց էին պատրաստում եւ ցախավել դնում գագաթին, ինչը նշանակում էր, որ այդ տանը չամուսնացած աղջիկ կա: Տուկերի տակ քաղցրավենիք էին դնում՝ որպես շնորհակալություն սրբին՝ երջանկության եւ հաջողության համար:

Պատկերագրության մեջ Սուրբ Սարգիսը ներկայացվում է ձիու վրա նստած՝ վիշապին խոցելիս: Սուրբը հաճախ պատկերվում է նաեւ որդու՝ Մարտիրոսի հետ: Տարեգրության մեջ նրա ծննդյան վերաբերյալ ստույգ տեղեկություններ չկան, իսկ մահվան թվականը նշվում է 362-ը կամ 363-ը, նահատակության վայրը՝ Պարսկաստանի Դաղման քաղաքը:

Վերոնշյալ ավանդույթների մեծ մասն այսօր չի կիրառվում, սակայն սիրո բարեխոս սրբի վերաբերյալ զրույցներն ու պատմությունները դարերով փոխանցվել ու մեզ են հասել:

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի տնօրինությամբ Սուրբ Սարգիս զորավարի տոնը հռչակվել է երիտասարդների օրհնության օր:

ԱՆՈՒՇ ԱՐԱՍԱՐՅԱՆ



Դավիթ Անհաղթի՝ Խաչին Նվիրված Ներբողը եւ դրա մեկնությունները

Սկզբը՝ 2022-ի թիվ 22–24 — 2023-ի թիվ 2

Մաս 2. «Բարձրացուցեք»-ի՝ Ս. Ներսես Շնորհալու մեկնությունը

Դավիթ Անհաղթի «Ներբողեան ի սուրբ Խաչն աստուածընկալ» երկը հայ ոչ թարգմանական ինքնուրույն մատենագրության եզակի ստեղծագործություններից է, որ արժանացել է մեկնության՝ այն էլ հայ աստվածաբանական մտքի մեծագույն ներկայացուցիչներից մեկի՝ Ս. Ներսես Շնորհալի հայրապետի կողմից: Հայտնի է, որ Ս. Ներսես Շնորհալին գիտական բացառիկ ունակությունների,

աստվածաբանական բարձր պատրաստվածության շնորհիվ մեծ հեղինակություն է վայելել միջեկեղեցական շրջանակում: Նա թողել է բազմաժանր եւ հարուստ մատենագրական ժառանգություն՝ արձակ երկեր, մեկնություններ, չափածո ստեղծագործություններ, դավանաբանական թղթեր, շարականներ, տաղեր, գանձեր: «Բարձրացուցեք»-ի մեկնությունը նա գրել է Վարդան Հաղբատեցու խնդրանքով, իսկ վերջինս հեղինակել է «Բարձրացուցեք»-ի «Պատճառ»-ը (տես մաս Ե) ու զետեղել Ս. Ներսես Շնորհալու մեկնության սկզբում:

Ս. Ներսես Շնորհալին մեկնում է «Բարձրացուցեք»-ի բնաբանը՝ նախեւառաջ քննելով, թե ինչու է Դավիթ Անհաղթն սկսել

ոչ թե սեփական փիլիսոփայական մտքերով, այլ Դավիթ մարգարեի սաղմոսով, եւ առաջին պատճառ է համարում «համաճումությունը»: Իսկ երկրորդ պատճառն այն է, որ Դավիթը մարգարեներից ամենաշատն է անդրադարձել Տիրոջ ծննդյանը, խաչելությանը եւ տնօրինական այլ իրողություններին: Հեղինակն անդրադառնում է «Բարձրացուցեք»-ի գՏԵՐ Աստուած մեր» սկսվածքի յուրաքանչյուր բառին: Աստված կարիք չունի բարձրանալու, որովհետեւ երբեք չի խոնարհվում եւ միշտ բարձր է երկրից ու երկնքից: Սակայն Դավիթը «Եկեղեցու մանուկներին» հրամայում է «բարձրացուցանել» նրան, Ով «բարձրացաւ ի Խաչին եւ զամենեսեան առ ինքն վերածեաց»: ➔ էջ 5

Դավիթ Անհաղթի՝ Խաչին Նվիրված Ներբողը...


← էջ 4

«Տէր Աստուած» արտահայտության մեջ, ըստ Ս. Ներսես Ծնորհալու, «Տէր»-ն արտահայտում է «արքունական» հատկանիշը, որով դատում է մեղավորներին, իսկ «Աստուած»-ը՝ բարեգործական, քանի որ արժանավորներին պարգևներ է շնորհում: Մեկնիչը երբեմն երկար բացատրություն է տալիս առանձին բառերի եւ արտահայտությունների հետ կապված: Օրինակ՝ «եռափափագ եւ քրիստոսազարդ սուրբ նշանիս եկայք աստուածասէրք երկրպագեսցուք» նախադասության մեջ նա տարբեր տեսանկյուններից մեկնաբանում է «եռափափագ» բառը: «Երեք»-ի մեջ նախ երեւում է թվական արվեստի կատարելությունը, որը բովանդակում է սկիզբը, ընթացքը եւ վերջը: Այս բառն ամփոփում է բոլոր ժամանակները՝ անցյալը, ներկան եւ ապառնին, կամ մարդու կյանքի տարբեր շրջանները՝ մանկությունը, երիտասարդությունը եւ ծերությունը: «Եռափափագ սիրով» նշանակում է նաեւ հոգով, մարմնով եւ մտքով, այսինքն՝ հոգու զորությամբ, մտքի կատարելությամբ ու մարմնի զգայարանների զգաստությամբ, ինչպես նաեւ հավատով, հույսով եւ սիրով:

Խոսելով «Բարձրացուցէք»-ում արտահայտված այն մտքի մասին, որ խաչը մարդուն փրկում եւ մահից դեպի կյանք է տանում՝ Ս. Ներսես Ծնորհալին մահվան իշխանությունը երկակի է բացատրում: Խաչն ազատում է ոչ միայն բնական մահից, այլ նաեւ մեղքից եւ անհավատությունից, քանի որ նրանք, ովքեր ընդունում են ճշմարիտ հավատքը եւ ապաշխարում՝ ապալինելով խաչին եւ «խաչակցելով» Քրիստոսին, փոխարկվում են անմահ կյանքի համար: Անդրադառնալով Կենաց ծառի եւ խաչի հարաբերությանը՝ Ս. Ներսես Ծնորհալին Դավթի մտքերը մեկնաբանում է գեղեցիկ ձեակերպումներով: Կենաց ծառը «համաբնակից» է խաչին, քանի որ այն մահաբեր եղավ, իսկ խաչը մահվան եւ չարչարանքների գործիք է: Սակայն խաչը միաժամանակ նման է Կենաց ծառին, քանի որ այն կյանքի գործիք դարձավ: Կյանքի մերձեցումով մահվան հանդեպ տարված հաղթանակը հեղինակը ներկայացնում է որպես բնության օրենք՝ այնպես, ինչպես խավարը ցրվում եւ հալածվում է լույսից:

Ս. Ներսես Ծնորհալին առանձնակի խորությամբ վերլուծում է «Բարձրացուցէք»-ի՝ քրիստոսաբանությանն առնչվող հատվածները՝ դրանց մեկնության մեջ արտահայտելով սեփական հայացքները: Խոսելով Աստծու Որդու «ճշմարտի եւ ոչ կեղակարծելի» մարդեղության մասին՝ նա ցույց է տալիս, որ Բանի մարդեղության գաղափարն արտահայտված է նաեւ 3ին Կտակարանում: Դավիթ Անհաղթի այն արտահայտության մեջ, որ 3ին Կտակարանի Տաճարի փոխարեն Նոր Կտակարանում խաչն է դարձել Աստծու ոտքերի պատվանդան, Ս. Ներսես Ծնորհալին «ոտք»-ը մեկնում է իբրեւ «զմարդեղութիւն Բանին Աստուծոյ»: Վկայակոչելով Եսայի մարգարեի տեսիլքը, թէ ինչպես էր վեց թեւ ունեցող սերովբեներից յուրաքանչյուրը երկու թեւով ծածկում իր երեսը, երկուսով՝ ոտքերը, եւ երկուսով էլ թռչում, նա ասում է, որ գլուխը խորհրդանշում է աստվածությունը, իսկ ոտքերը՝ մարդկությունը: Թեպետ անպարագիծ Աստված «բովանդակեցաւ» մարմնի մեջ, սակայն մնաց *անշփոթելի* աստվածությամբ եւ *անփոփոխելի* զորությամբ: Աստված անճառելի խոնարհությամբ կույսի որովայնում «պարագրեցաւ» եւ «այսու բանի խնու գրեթե անստորակնացն, որ ասեմ զԲանն մարմին ոչ եղեալ»: 3որից անժամանակ եւ անմարմնապես ծնվածը, անարատ կույսից ծնվեց այնպես, ինչպես Ինքը կամեցավ: Այդ ծնունդը թեւեւ մարդկային, սակայն անճառելի եւ անքննելի է: Մարիամը հղիացավ առանց տղամարդու, եւ Քրիստոս ծնվեց անապականաբար: Դավիթ Անհաղթի նման խիստ կարեւորելով «աստուածածին» եզրը՝ Ս. Ներսես Ծնորհալին գրում է. «3ամօթ լիցի Նեստորիոս եւ նմանք նոցան, որք միանգամ մարդածին ասացին զՄարիամ եւ ոչ Աստուածածին»: Ինչպես Աստծուն ծնած Կույսն է «աստուածածին», այնպես եւ Աստծուն կրած խաչը «աստուածախաչ» է: Դավթի օրինակով Ս. Ներսես Ծնորհալին քրիստոսաբանական հարցը նույնպես դիտարկում է փրկագործության տեսանկյունից. «...զի մարդոյ մահ անկարելի է փրկութիւն առնել, որպէս ոչ որ ի մարգարէիցն կարօղ եղեւ փրկել, բայց Աստուծոյ կարաւտացաբ լնով մեզ զկենաց պատճառն, զոր ի սկզբանէ բաղձացաք»: Ծշմարիտ Աստծու զորության արտահայտությունը Ս. Ներսես Ծնորհալին համարում է մարդկանց եւ աշխարհի հանդեպ ունեցած սերը, համուն որի Նա Իր Միածին Որդուն աշխարհ ուղարկեց, իսկ «սիրոյն Աստուծոյ զօրութիւն է խաչս»: Եթէ 3ին Կտակարանում մեղքերի քավության համար զոհեր էին մատուցում, իսկ քահանաները փոխարինում էին միմյանց, ապա Տէրը, լինելով ճշմարիտ քահանայապետ, «նոյն ինքն Պատարագ հանապազ զենանի ի փրկութիւն աշխարհի»: Տիրոջ Եկեղեցին հավատում է խաչի վրա հավիտենական եւ ոչ թէ ժամանակավոր Պատարագվածին ու մինչեւ Քրիստոսի երկրորդ գալուստը մշտապես կատարում է Պատարագի խորհուրդը:

Որոշ հատվածների մեկնության մեջ Ս. Ներսես Ծնոր-



հալին օգտվել է թե՛ հինկտակարանյան եւ թե՛ նորկտակարանյան պարականոն բնագրերից: Առաջին մարդու շիրմի՝ Գողգոթայի գագաթին գտնվելու ավանդության մասին «Բարձրացուցէք»-ում առկա «2ի գագաթն Գողգոթայ, տեղի կառափելոյ, եւ շիրմն առաջին մարդոյն յերայեցուցն ասացեալ» ակնարկը Ս. Ներսես Ծնորհալին առավել մանրամասն է ներկայացնում: Ըստ նրա՝ հրեա պատմագիրները, ավանդությունից տեղեկանալով, մեզ հետեւյալն են հաղորդում. տապանից դուրս գալով՝ Նոյն աշխարհը բաժանեց երեք մասի՝ իր երեք որդիների միջեւ: Անդրանիկ որդու՝ Սեմի բաժինն էր «յարեւելից ընդ սահմանքն հարաւոյ, եւ ի 3րեաստան, զոր եւ Ասորիքն յետոյ Պաղեստին կոչեցին, այսինքն՝ Աւետեաց երկիր»: Նոյն նախաստեղծների՝ տապանի մեջ պահվող նշխարները հանձնում է Սեմին, որը աստվածային տնօրինությամբ դրանք ամփոփում է Գողգոթայում, որտեղից պիտի լինէր փրկությունը: Նույն գագաթին Աստծու Որդին չարչարվեց եւ խաչի վրա մարմնով ճաշակեց մահը՝ Իր բանական հոգին առ 3այր առաքելով առաջին Ադամի օրինակով: Իր մահվամբ Նա սպանեց մահը եւ մահի բռնությունը, որ թագավորել է Ադամից մինչեւ Քրիստոսի գալուստը:

Չեւտեւելով արեւելաքրիստոնեական ավանդությանը՝ Ս. Ներսես Ծնորհալին հոգեւոր կյանքի վերջնապատակը համարում է քրիստոնյայի աստվածացումը, ինչն արտացոլված է նաեւ խնդրո առարկա երկում: Դավիթ Անհաղթի «առ ի լինել Աստուած ամենայնի յամենայնում» արտահայտության մասին նա գրում է. Աստված ողջ բնության Արարիչն է, բայց մարդիկ, հեռանալով Նրանից, հեռացել են նաեւ աստվածային խնամքից: Սակայն երբ ամեն բան ավարտվի, եւ բոլոր բանական էակները հնազանդությամբ խոստովանեն եւ հավատան Որդու աստվածությանը, «յայնժամ խոստովանեսցի յամենեցուն Աստուած... յայնժամ եղիցի Աստուածորդի ի մէջ աստուածացելոց եւ յամենայնի խոստովանեսցի Տէր եւ Արարիչ»:

Արձակ մեկնությունից հետո Ս. Ներսես Ծնորհալին տաղաչափել է «Բարձրացուցէք»-ը: Ոչ միայն գեղագիտական, բանաստեղծական, այլ նաեւ զուտ բովանդակային առումով այս ստեղծագործությունը շատ հետաքրքիր է, քանի որ, «Բարձրացուցէք»-ի չափածո տարբերակը լինելուց բացի, դրա յուրօրինակ մեկնությունն է: Դավիթ Անհաղթի կիրառած բարդ ու խրթին արտահայտությունները եւ բառերը, որոնք լրացուցիչ բացատրության կարիք ունեն, Ս. Ներսես Ծնորհալին փոխարինում է առավել պարզերով: Իսկ Դավիթ Անհաղթի դժվարընկալելի

եւ մեկնության կարոտ արտահայտությունները նույնությամբ գործածելու դեպքում էլ տվյալ քառատան մեջ ինչ-որ կերպ անպայման տալիս է դրանց բացատրությունը:

Մաս Է. Վարդան Արեւելցու՝ Խաչին Նվիրված Ներբողի մեկնությունը

Ժամանակագրական առումով Դավիթ փիլիսոփայի՝ Խաչի ներբողի վերջին մեկնությունը հեղինակել է Վարդան Արեւելցին: Մեկնությունը ներառված է նրա խմբագրած «Տօնապատճառ» ժողովածուում: Վարդան Արեւելցին մեծապես օգտվել է Ս. Ներսես Ծնորհալու մեկնությունից՝ կատարելով յուրօրինակ հավելումներ: Ուշագրավ են հատկապես հեղինակի՝ մեկնության մեջ արտացոլված բնագիտական հայացքները: Նա անգամ բույսերին եւ կենդանիներին բաժանում է մարդու եռամասն կազմության սկզբունքով: Ըստ նրա՝ շնչավորները լինում են երեք տեսակի: Առաջինը՝ շնչավոր տունկերն են, որոնք ունեն «սերմնական, բուսական եւ աճեցական» զորություն: Երկրորդը՝ գազաններն են եւ անասունները, որոնք ունեն «տնկական, աճեցական եւ զգայական» զորություն: Բույսերին, գեղուններին, ճանճերին նա անվանում է «անշունչ եւ շնչաւորք», որովհետեւ նրանք ունեն լինելություն, շարժում, ընթացք ու թեւեւ կենդանի են, բայց «փոքր են հաղորդք կենաց»: Ըստ մեկնիչի՝ Դավիթ Անհաղթը, «կենդանի» ասելով, նկատի ունի հրեշտակներին, դեւերին ու մարդկանց, ինչպես նաեւ ծովում, ցամաքում եւ օդում գտնվող արարածներին: «Կենդան եւ անկենդան» են արեւը, լուսինը, աստղերը եւ լուսատուները, որ ունեն շարժում եւ ընթացք, ինչպես կենդանիները, սակայն չունեն կյանքի մասնիկ: Իսկ ծովը, գետերը եւ աղբյուրները, որոնք շարժվում են Արարչի հրամանով, կենդանածին են, անշունչ եւ անկենդան: Քամին, հողմերը, որ առաջանում են օդից, երկրից ու ծովից եւ ձայն են հանում, բնական զորությամբ շարժական են եւ անկենդան, սակայն կարողանում են շարժել անշարժ եւ շարժվող արարածներին: Մարդիկ եւ անասունները շնչավոր ու կենդանի են, սակայն նրանց ոսկորները, մազերը, եղունգները եւ ճարպն անշունչ ու անկենդան են:

Աստվածային ամճառելի շնորհի մասին խոսելիս հեղինակն արտահայտում է այն միտքը, որ պատմության ընթացքում տարբեր ազգեր եւ առանձին անհատներ արժանացել են Աստծու շնորհին, բայց ոչ թէ ամճառելի, այլ ճառելի: Օրինակ՝ աշխարհի վերաբերյալ դատողություններ են արել պտղոմեականներն ու եգիպտացիները, աստղերի մասին՝ քաղդեացիները: 3իշատակում է նաեւ զրադաշտական կրոնի հիմնադիր Զրադաշտին եւ Նոյին: Փայտի մասին պատմել է Սողոմոնը, իսկ ծովի՝ Յովնան մարգարեն (հմմտ. Առակ. Գ 18, Յովն. Ա 1-16): Խաչի շնորհի մասին խոսել է Պողոս առաքյալը. «Ո՛ր խորք մեծութեան իմաստութեան» (Յովն. ԺԱ 33): Խաչափայտի անճառելի շնորհը ցույց տալու համար խաչը նախ դասվում է սովորական «փայտերի» շարքին, որոնք նույնպես ունեն շնորհ, քանի որ, օրինակ, դրանց արձատմանի կամ խեժերի միջոցով կարելի է բժշկվել մարմնական հիվանդություններից: Խաչը նման է մյուս փայտերին չափով, գույնով, ողորկությամբ, սաղարթներով, ծաղկով եւ պտղով, սակայն միայն նրա միջոցով Արարիչն օրհնեց բոլոր երկրավորներին: Խաչը որպես պարգեւ ձրիաբար տրվեց մեզ՝ փառավորվելով նրա վրա բարձրացած Քրիստոսի փառքով: Իսկ կուրամիտ մարդիկ, որոնց վրա չի ծագել վկեսարանի լույսը, հավասար են անբանական ու մարդադեմ գազանի, եւ նրանց Պողոս առաքյալն անվանում է Քրիստոսի Խաչի թշնամիներ (հմմտ. Փիլիպ. Գ 18): Մեկնելով Դավիթ Անհաղթի այն միտքը, որ խաչը միաժամանակ թե՛ երկրի վրա է եւ թե՛ երկնքում, հեղինակը կրկին օրինակ է բերում բնությունից՝ ասելով, որ արեւն ու լուսինը, երբ ներքին կիսագնդում են, վերելում լինել չեն կարող եւ հակառակը: Սակայն խաչը միաժամանակ լցնում է թե՛ երկիրը եւ թե՛ երկինքը, քանի որ իր վրա կրում է աստվածային անբավ եւ անփոփոխ բնությունը: Քրիստոսապսակ փայտը մյուս տունկերի նման բուսեց երկրի վրա, սակայն արձատագավ Եկեղեցու մեջ եւ հավատացյալների սրտերում խոր արմատներ ձգելով՝ բարձրացավ վեր բոլոր արարածներից: Խաչը ծաղկեց խրայեյաւն ազգի մեջ, քանի որ Քրիստոս ծնվեց Պաղեստինում՝ Բեթղեհեմում, սակայն նրա պտղով լցվեց ողջ տիեզերքը: Մեկնիչը Խաչի պտուղներն է համարում առաքյալներին, հայրապետներին, քահանաներին, վարդապետներին, խաչակիր մենակյացներին, պսակված մարտիրոսներին եւ բոլոր հավատացյալներին, որոնց ճակատը դրոշմված է, եւ որոնք «քրիստոսեանք կոչին պտուղք են քո եւ այսպիսի պտղով լի են տիեզերքը»:

Դավիթ Անհաղթի՝ Խաչին նվիրված ներբողի վերաբերյալ թե՛ պատմական եւ թե՛ մեկնողական բնագրերի առկայությունը վկայում է 3այ Եկեղեցու աստվածաբանական-դավանաբանական, ծիսական եւ կրթական համակարգում նշյալ երկի ունեցած կարեւոր դերի մասին:

Արմինե ՄԵԼՈՆՅԱՆ
Պատմական գիտ. թեկնածու

Սկիզբը՝ 2023-ի թիվ 2

Ողբալի դեպքերի մասին խոսել են մաեւ օտարերկրացի ակամատեսները. «Մի հայ զինվոր արձակուրդում էր եւ եփրատի ափերին փնտրում էր իր կնոջն ու երեխաներին: Նման դժբախտների հաճախակի կարելի էր հանդիպել: Ամբողջ մեկ ամիս ակամատես էինք եփրատով հարավ հոսող դիակների՝ հաճախ 2-6 հոգի միմյանց կապած: Տղամարդկանց դիակները հաճախ այլանդակված էին.... իսկ կանանց դիակները բացված փորերով էին» (Ա. Արզումանյան, Դարավոր գոյամարտ, Երեւան, 1989, էջ 389): Այս ամենն իրագործվում էր նախապես ծրագրված հաջորդականությամբ եւ դաժանագույն եղանակներով, որոնք երբեւէ չգերազանցվեցին մարդկային պատմության մեջ: Գերմանիայի եւ Ամերիկայի դեսպանների հետ զրույցի ընթացքում, ի պատասխան զրուցակիցների, որոնք ասում էին, թե պետք է գոնե հայ երեխաներին խղճալ, թուրք մախարար Էկրանը պատասխանում է՝ հայ երեխաները պետք է մահանան իրենց ազգի հետ (տես Ս. Պողոսյան, Հայոց ցեղասպանության պատմություն, հտ. 2, էջ 348-349):

Թուրքական յաթաղանից փրկված հայերը սփռվում են աշխարհով մեկ: Մի մասն անցնում է Արեւելյան Հայաստան, որտեղ եւս վիճակը ծանր էր, մյուս մասը՝ եվրոպական երկրներ: Հայոց ցեղասպանությունը, բնականաբար, շղարշել էր պետք: Թուրքական կառավարությունը պետք է փորձեր անեն կերպ կոծկել մախարար ծրագրված ոճրագործությունը: Թալեաթը, որի ձեռքում կենտրոնացած էր գրեթե ողջ իշխանությունը, հայերի ցեղասպանությունը փորձում է արդարացնել այն համագամանքով, թե իբր հայերը զինված ապստամբություն են բարձրացրել պատերազմի նախընթացին: Այդ նպատակով 1916 թ. հրավիրվում է երիտթուրքերի համագումարը, որի հիմնական նպատակը աշխարհին համոզելն էր՝ իբր հայերը փորձել են այլ ազգերի հետ միասին պայքարել թուրքական կայսրության դեմ եւ մասնատելով օսմանյան տերությունը՝ անկախ Հայաստան ստեղծել այդ տարածքում: Թուրքական եւ օտարալեզու մամուլի միջոցով շրջանառության մեջ է դրվում այս ստահող ու կեղծ դրույթը (տես Շահան Նաթալի, Թուրքերը եւ մենք, Երեւան, 1992, էջ 32-35): Լույս էին տեսնում քարտեզներ, որոնք իբրեւ թե հայերի ստեղծածն էին. հայկական տարածքներ իբր առանձնացված էին, ինչը թուրքական կառավարությունն ազգային քարոզչության միջոց էր համարում: Ահա այսպիսի ճղճիմ եւ անհեթեթ պատճառաբանություններով էին փորձում արդարացնել մի ամբողջ ազգի կոտորածը սեփական պատմական հայրենիքում՝ Արեւմտյան Հայաստանում:

Արեւելյան Հայաստան հասած եղեմնից մազապուրծ հայերն այստեղ եւս դժվարություններ ունեցան: Գաղթականներին աջակցելու, չքավորներին կերակրելու, հիվանդներին խնամելու եւ բուժելու նպատակով Գեւորգ Ե Սուրենյանցը հայրապետական կոնդակով հորդորում է Եղբայրական օգնության հանձնաժողովին միջոցառումներ անել արեւմտահայ գաղթականությանը (տես «Արարատ», թիվ 2-3, էջ 99-100): Հայոց հայրապետը մեկ այլ կոն-



Ն. Ա. Օ. Տ. Տ. Գեւորգ Ե Սուրենյանցի ազգանվեր գործունեությունը

դակով դիմում է եկեղեցական ու հասարակական գործիչներին եւ կոչ անում աջակցել անմխիթար վիճակում հայտնված արեւմտահայությանը (տես «Արարատ», թիվ 2-3, էջ 101-103):

Գաղթականներին խնամելու եւ կերակրելու աշխատանքները կազմակերպելու, կանոնավորելու համար հունվարի 24-ին Հայոց հայրապետի կարգադրությամբ Ս. Էջմիածնում հրավիրվում է Եղբայրական օգնության գլխավոր կարգադիր հանձնաժողովի նիստ, որին մասնակցում էին Երեւանի թեմական հանձնաժողովի ներկայացուցիչները («Արարատ», թիվ 4-5, էջ 313-316): Այս ամենից բացի՝ անդրադառնալով իր ժողովրդին բաժին հասած դառնություններին՝ Գեւորգ Ե Սուրենյանցը հատուկ կոնդակով (1916 թ. մարտի 22) հորդորում է համայն հայությանը վերաշինել հայրենիքը՝ կառուցել եկեղեցիներ, բացել դպրոցներ, որբանոցներ, ծերանոցներ ու հիվանդանոցներ («Արարատ», 1916, թիվ 3-4, էջ 166-170): 1916 թ. հուլիսի 23-ին Հայոց կաթողիկոսը Փարիզում գտնվող Պողոս Նուբարից ստանում է հեռագիր, որով վերջինս հայտնում է, թե հայությանը բարեկամներից՝ խորհրդարանի ակադավոր անդամներից կազմվել է մի հանձնաժողով, որի նպատակը Հայ դատի պաշտպանությունն է («Արարատ», 1916, թիվ 7-8, էջ 534-535):

Գեւորգ Ե Սուրենյանցի ուշադրության կենտրոնում են եղել մաեւ արեւմտահայ գաղթականների կորած զավակներին գտնելու, որբանոցներ ու դպրոցներ բացելու, որբացած երեխաների կարիքները հոգալու խնդիրները: Այդ մասին են վկայում Ալեքսանդրապոլի փոխանորդ Արտակ վարդապետի՝ Հայոց հայրապետին ուղղած հայտարարությունները («Վավերագրեր Հայ Եկեղեցու պատմության», գիրք 9, էջ 124-125, 130, 133): Միայն 1916 թ. Ալեքսանդրապոլում գործում էր մի քանի որբանոց, որ պահվում էին Եղբայրական օգնության (տես անդ, էջ 124), երիտասարդական

միության, Թիֆլիսի կենտրոնական կոմիտեի եւ բարեգործական ընկերության միջոցներով (տես անդ, էջ 125): Գեւորգ Ե Սուրենյանցի կարգադրությամբ Ալեքսանդրապոլում հիմնադրվում է աշխատանքի տուն՝ «Տարոն» անունով, որտեղ աշխատում էին արեւմտահայ կանայք ու աղջիկներ: Նպատակը կանանց հմարավորությունը տալն էր աշխատելու եւ վարձատրվելու, զգեստներ կարելու եւ գաղթականներին բաժանելու՝ Եղբայրական օգնության կոմիտեի միջոցներով (տես անդ, էջ 137):

1918 թ. հունվարի 10-ին հրապարակվում է Գեւորգ Ե Սուրենյանցի՝ համայն հայությանն ուղղած կոնդակը՝ կապված կովկասյան շրջանի հանձնակատար խորհրդի տնօրինության՝ Հայ Եկեղեցու անշարժ եւ շարժական գույքի, կալվածքների ու դրամնից ստացվող հասույթների բռնազրավման հետ: Նա մատնանշում է, թե ազգային ինչ նպատակների է ծառայում Հայ Առաքելական Եկեղեցու ունեցվածքը: Կոնդակում մասնավորապես ասվում է. «....հիմն Եկեղեցույս մերոյ, հասք եւ եկամուտ սեփականութեանցոյ աղոցիկ ի կրթութիւն եւ ի դաստիարակութիւն մանկանց Ս. Եկեղեցույս գնան. յայդ աղբիւր մշտական կան կապելաք դպրոցք Մեր ի ստորին ծխականաց ցղարանոցս եւ ցճեմարան Մեր հոգեւոր, ընդ հովանեաւ որոյ կրթեցան եւ կրթին մանկունք Մեր՝ եթ ի գաւառաց Կովկասեան շրջանի, եթ ի հեռաւոր վայրից Եւրոպիոյ, Ասիոյ եւ Ամերիկայի, առանց խտրութեան իւրի: Ի հասիցդ են մատակարարութիւնք այլ եւ այլ հաստատութեանց կրթականի եւ լուսաւորութեան ազգիս, պահպա-



նութիւն տպարանի Մայր Աթոռոյս, թանգարանի եւ ճոխագոյն մատենադարանի մօրին, յոր որպէս առ ճրագ լուսատու ոչ սակաւք են, որ զան յուսումնասիրութիւն ի գիտնոց» («Արարատ», 1918, թիվ 1-3, էջ 6):

Ամենայն Հայոց Կաթողիկոսը եւ հայ հոգեւորականությունն անմասն չմնացին մաեւ Սարգապատի, Բաշ Ապարանի եւ Դարաքիլիսայի հերոսամարտերին, ուր վճռվում էր հայոց պետականության հարցը: Նրանք անմիջական մասնակցություն էին բերում բուն մարտական գործողություններին: Հայոց բանակին ծառայելու պատրաստակամություն են ցուցաբերում Ս. Էջմիածնի բազմաթիվ հոգեւորականներ: Այդ ծանրագույն օրերին Գեւորգ Ե Սուրենյանցը վճռում է չլքել Մայր Աթոռը: Հայտնի է, որ դեպի Կոտայք եւ Սեւան մահանջի ծրագրի ժամանակ Գեւորգ Ե հայրապետին առաջարկում են մեկնել Սեւան: Առաջին անգամ՝ մայիսի 20-ին, նրան այս առաջարկով դիմում է գեներալ Ս. Միլիկյանը, իսկ երկրորդ անգամ՝ Ա. Մանուկյանը եւ Ա. Շահխաթունին՝ մայիսի 21-ին: Սակայն Ամենայն Հայոց Կաթողիկոսը երկու դեպքում էլ կտրուկ մերժում է: Ավելին՝ Ա. Մանուկյանին եւ Ա. Շահխաթունուն ասում է, որ եթե հայոց զորքն

ու ժողովուրդն ի վիճակի չեն պաշտպանելու մեր սրբությունները, ապա ինքը միայնակ սուր կվերցնի ու կընկնի Մայր տաճարի գավթում, բայց չի հեռանա մեր պապերից եվանդ մնացած Մայր Աթոռից (տես Հ. Թուրշյան, Սարգապատի հերոսամարտի 50-ամյակը, Ս. Էջմիածին, 1968, էջ 22): Մայիսի 24-ին զորավար Ս. Միլիկյանը հեռագրով հաղորդում է Ա. Մանուկյանին. «Եղա այս ռոպէիս Կաթողիկոսի մոտ, որն ինձ օրհնեց եւ հաստատապես որոշեց մնալ Էջմիածնում.... Արեւածագին անցնում են հարձակողականի: Աստված մեզ հետ է» («Վավերագրեր Հայ Եկեղեցու պատմության», գիրք Ե, էջ 63): Հ. Թուրշյանն իրավացիորեն նշում է. «Այդ օրերին Մայր Աթոռը, Ամենայն Հայոց Կաթողիկոսն ու միաբնակությունը, հավատարիմ Հայ Եկեղեցու հայրենասիրական դարավոր ոգուն, միասնական ու անմահանջ դուրս էին եկել հասարակաց թշնամու դեմ՝ հանուն հայրենյաց եւ ազգի» (նշվ. աշխ., էջ 23):


Առաջին աշխարհամարտում Թուրքիայի պարտությամբ եւ Մուդրոսի գիմադարի կնքմամբ (1918 թ. հոկտեմբերի 30) նպատակով իրավիճակ է ստեղծվում Հայկական հարցի դրական լուծման համար: Կրկին բարձրացվում է միացյալ եւ անկախ Հայաստանի ստեղծման ու հռչակման հարցը: Նույն թվականի մայիսի 28-ին հռչակվում է Հայաստանի առաջին Հանրապետությունը, որը, սակայն, գոյատևում է ընդամենը երկու տարի: Հայոց Հայրապետի՝ 1920 թ. հունվարի 24-ին Ա. խառնապետի հասցեագրած հուզումնալից մամակում գրված է. «Աղօթում են Բարձրելոյն, որ արժանացնի տեսնելու Մասիսի գլխին հայկական դրոշակի ծածանումն ու միացեալ մեծ Հայաստանի Հանրապետութիւնը....» («Վավերագրեր Հայ Եկեղեցու պատմության», գիրք Ե, էջ 19): «Վշտալի կաթողիկոսի» հայոց պետականության վերականգնման հետ կապված հույսերն այդպէս էլ չեն իրականացնում:

Հայ ժողովրդի պատմության մի նոր ու դժվարին փուլ՝ խորհրդայնացման գործընթացն է սկսվում. ձեւավորվում է համայնավարական կառավարություն: Ճիշտ է՝ դաշնակցականները փորձում են վերականգնել իրենց իշխանությունը, սակայն ապարդյուն: Գեւորգ Ե Սուրենյանցը հստակ գիտակցում է, որ խորհրդայնացումն անխուսափելի է, ուստի 1921 թ. հոկտեմբերի 31-ին հայրապետական կոնդակով դիմում է համայն հայությանը՝ համախմբվելու նորակազմ պետության շուրջը (Ա. Արզումանյան, Դարավոր գոյամարտ, Երեւան, 1989, էջ 271): Այս կոնդակով Հայոց հայրապետն իր խոր ցավն է հայտնում համայն հայությանը՝ ստեղծված ծանր եւ ողբերգական իրավիճակի համար: Այս աղետալի պայմաններից ելնելով՝ Գեւորգ Ե Սուրենյանցը պետք է կարողամար 2ահել նոր կառավարության բարյացակամ վերաբերմունքը՝ ուղղված հայ ժողովրդին եւ Հայ Եկեղեցուն: Սա էր Հայոց կաթողիկոսի՝ ռուս հեղափոխության տասներորդ տարեդարձին՝ 1927-ին գրած կոնդակի միտումը, որով նա պատրաստակամություն էր հայտնում հայրենաշեն ձեռնակներում աջակցելու կառավարությանը:

Շարունակելի

Մարիամ ԱՐԲՈՒՄՅԱՆ

ԴԻՄԻՏՐԻ ԼԻՍԱՅՈՎ ՆԱՄԱԿՆԵՐ ԲԱՐՈՒ ՄԱՍԻՆ



Սկզբը՝ 2022-ի թիվ 19 — 2023-ի թիվ 1—2

Նամակ քսաներկուերորդ ՍԻՐԵՔ ԸՆԹԵՐԳՆԵՐ

Յուրաքանչյուր մարդ պարտավոր է (ընդգծում եմ՝ պարտավոր է) հոգալ իր մտավոր զարգացման մասին: Դա նրա պարտքն է հասարակության առջև, որում ապրում է, եւ իր անձի հանդեպ:

Մտավոր զարգացման հիմնական (բայց, իհարկե, ոչ միակ) ճանապարհն ընթերցանությունն է:

Ընթերցանությունը չպետք է պատահական լինի: Այն ժամանակի հսկայական ծախս է, իսկ ժամանակն ամենամեծ արժեքն է, որը չի կարելի վատնել դատարկ բաների վրա: Անհրաժեշտ է ընթերցել ծրագրով՝ իհարկե խստորեն չհետեւելով դրան, հեռանալով դրանից այնտեղ, որտեղ ընթերցողի համար ի հայտ են գալիս լրացուցիչ հետաքրքրություններ: Սակայն նախնական ծրագրից բոլոր շեղումների դեպքում անհրաժեշտ է նորը կազմել՝ հաշվի առնող ի հայտ եկած նոր հետաքրքրությունները:

Որպեսզի ընթերցանությունն արդյունավետ լինի, պետք է հետաքրքրի ընթերցողին: Սեփական անձի մեջ պետք է զարգացնել հետաքրքրություն ընթերցանության հանդեպ առհասարակ կամ մշակույթի որոշակի բնագավառների նկատմամբ: Հետաքրքրությունը կարող է մեծավ մասամբ լինել ինքնադաստիարակման արդյունք:

Ինքդ քեզ համար ընթերցանության ծրագրեր կազմելն այնքան էլ հեշտ չէ, եւ դա անհրաժեշտ է անել բանիմաց մարդկանց հետ խորհրդակցելով, առկա տարբեր տեսակի տեղեկատու ձեռնարկների օգնությամբ:

Ընթերցանության վտանգը սեփական անձի մեջ շարադրամքի «անկյունագծալին» դիտման կամ տարբեր տեսակի արագ ընթերցանության մեթոդներին հակման զարգացումն է (գիտակցաբար կամ անգիտակցաբար):

«Արագ ընթերցանությունը» ստեղծում է գիտելիքի խաբուսիկություն: Դա կարելի է թույլատրել միայն որոշ տեսակի մասնագիտություններում՝ զուլաճալով արագ ընթերցանության սովորության ձեւավորումից. դա հանգեցնում է ուշադրության հիվանդության:

Նկատել էք, թե ինչպիսի մեծ տպավորություն են թողնում գրական այն ստեղծագործությունները, որոնք ընթերցվում են խաղաղ, անշտապ ու հանգիստ պայմաններում, օրինակ՝ հանգստի կամ ոչ այնքան բարդ եւ ոչ շեղող հիվանդության ժամանակ:

Գրականությունը մեզ տալիս է կյանքի վիթխարի, լայնածավալ եւ խորունկ փորձառություն: Այն մարդուն դարձնում է կիրթ, նրա մեջ զարգացնում է ոչ միայն գեղեցկության զգացումը, այլ նաեւ ըն-

կալումը՝ կյանքի ընկալումը՝ դրա բոլոր բարդությունների, ուղեցույց է ծառայում դեպի այլ դարաշրջաններ եւ առ այլ ժողովուրդներ, բացում է ձեր առջև մարդկանց սրտերը: Մի խոսքով՝ ձեզ իմաստուն է դարձնում: Բայց այս ամենը տրվում է միայն այն ժամանակ, երբ դուք ընթերցում եք՝ խորամուկ լինելով բոլոր մանրուքների մեջ: Քանզի ամենագլխավորը հաճախ թաքնված է լինում հենց մանրուքներում: Իսկ այդպիսի ընթերցանությունը հնարավոր է միայն այն դեպքում, երբ կարդում եք հաճույքով, ոչ թե այն պատճառով, որ այս կամ այն ստեղծագործությունը պետք է ընթերցել (լինի դպրոցական ծրագրով կամ նորաձեւության եւ սնափառության թելադրանքով), այլ որովհետեւ դա ձեզ դուր է գալիս. զգացել եք, որ հեղինակն ասելիք ունի, ձեզ փոխանցելու բան կա, եւ նա կարողանում է դա անել: Եթե ստեղծագործությունն առաջին անգամ անուշադիր եք ընթերցել, ապա կրկին կարդացեք, երրորդ անգամ կարդացեք: Մարդը պետք է ունենա սիրելի ստեղծագործություններ, որոնց անդրադառնում է բազմիցս, որոնք մանրամասնություններով գիտի, որոնց մասին պատեհ իրավիճակում կարող է հիշեցնել շրջապատողներին եւ դրանով մերթ բարձրացնել տրամադրությունը, մերթ լիցքաթափել իրադրությունը (երբ միմյանց հանդեպ դժգոհություն է կուտակվում), մերթ ծիծաղեցնել, մերթ պարզապես արտահայտել սեփական վերաբերմունքը ձեր կամ ինչ-որ մեկի հետ պատահածի վերաբերյալ: Դպրոցում իմձ «անշախախտի» ընթերցանություն սովորեցրել է գրականության ուսուցիչս: Ես սովորում էի այն տարիներին, երբ ուսուցիչները հաճախ էին ստիպված լինում դասերից բացակայել. երբեմն խրամատներ էին փորում Լենինգրադի մերձակայքում, երբեմն պետք է օգնեին ինչ-որ գործարանի, երբեմն պարզապես հիվանդ էին: Լեոնիդ Վլադիմիրովիչը (այդպես էին կոչում իմ գրականության ուսուցիչին) հաճախ էր դասարան գալիս, երբ մյուս ուսուցիչը բացակայում էր, անկաշկանդ նստում էր ուսուցչական սեղանի մոտ եւ պայուսակից հանելով գրքերը՝ առաջարկում էր մեզ ինչ-որ բան ընթերցել: Մենք արդեն գիտեինք, թե նա ինչպես էր կարողանում կարդալ, ինչպես էր կարողանում բացատրել ընթերցածը, ծիծաղել մեզ հետ, հիանալ ինչ-որ բանով, զարմանալ գրողի արվեստով եւ ուրախանալ գալիքի համար: Այսպես մենք լսեցինք բազում հատվածներ «Պատերազմ եւ խաղաղությունից», «Կապիտանի աղջկանից», մի քանի պատմվածքներ Մոպսսանից, Սոլովյե Բուդիմիրովիչի մասին բիլիան, այլ բիլիան՝ Պրոքիմյա Նիկիտիչի վերաբերյալ,

Վիշտ-չարաբախտության մասին պատմություններ, Կռիլովի առակները, Դերժավինի ներբողները եւ շատ ու շատ այլ ստեղծագործություններ: Ես մինչեւ այժմ սիրում եմ այն, ինչ լսել եմ մանկության ժամանակ: Իսկ տանը հայրս ու մայրս սիրում էին երեկոյան ընթերցել: Կարդում էին իրենց համար, իսկ որոշ դուր եկած հատվածներ ընթերցում էին նաեւ մեզ համար: Կարդում էին Լեսկով, Մամին-Սիբիրյակ, պատմական վեպեր, այն ամենը, ինչ իրենց դուր էր գալիս, եւ որն աստիճանաբար սկսում էր նաեւ մեզ դուր գալ:

«Անշահագրգիռ», բայց հետաքրքիր ընթերցանությունը հենց այն է, ինչն ստիպում է սիրել գրականությունը եւ ընդլայնում է մարդու մտահորիզոնը:

Կարողացեք ընթերցել ոչ միայն դպրոցական պատասխանների համար եւ ոչ էլ այն պատճառով, որ այս կամ այն ստեղծագործությունը կարդում են բոլորը, քանի որ նորաձեւ է: Կարողացեք ընթերցել հետաքրքրությամբ եւ առանց շտապելու:

Ինչո՞ւ է այժմ հեռուստացույցը մասամբ դուրս մղում գրքին: Այո, այն պատճառով, որ հեռուստացույցն ստիպում է ձեզ առանց շտապելու դիտել ինչ-որ հաղորդում, հարմար նստել, որպեսզի ձեզ որեւէ բան չխանգարի, այն ձեզ շեղում է հոգսերից, թելադրում է՝ ինչպես դիտել եւ ինչ դիտել: Բայց փորձեք ձեր ճաշակով գիրք ընտրել, ժամանակավորապես վերացեք աշխարհում ամեն ինչից մոյմպես, հարմարավետ նստեք գրքով եւ կհասկանաք, որ կան բազմաթիվ գրքեր, առանց որոնց չի կարելի ապրել, որոնք ավելի կարեւոր ու հետաքրքիր են, քան բազմաթիվ հաղորդումներ: Ես չեմ ասում՝ դադարեք հեռուստացույց դիտելուց: Սակայն ասում եմ՝ նախ ընտրությամբ: Ձեր ժամանակը ծախսեք մի բանի վրա, որն արժանի է այդ ծախսին: Ընթերցեք շատ եւ ընթերցեք մեծագույն ընտրողությամբ: Ինքներդ որոշեք ձեր ընտրությունը՝ նկատի ունենալով, թե ինչպիսի մշակույթ ունենալով, թե ինչպիսի մշակույթ ունենալով ձեռք բերել ձեր ընտրած գիրքը մարդկային մշակույթի պատմության մեջ, որպեսզի դառնա դասական: Սա մշակում է, որ դրա մեջ ինչ-որ էական բան կա: Իսկ միգուցե մարդկության մշակույթի համար այդ էականը, պարզվի, էական է նաեւ ձեզ համար:

Դասական ստեղծագործությունն այն է, որը դիմացել է ժամանակի փորձությանը: Դրա հետ դուք չեք կորցնի ձեր ժամանակը: Սակայն դասական գործերը չեն կարող պատասխանել այսօրվա բոլոր հարցերին: Ուստի անհրաժեշտ է կարդալ նաեւ ժամանակակից գրականություն: Միայն մի հարձակվեք յուրաքանչյուր նորաձեւ գրքի վրա: Մի եղեք ճշդիմ: ճշդիմությունն ստիպում է մարդուն անխիտեմորեն ծախսել իր ունեցած ամենամեծ եւ ամենաարժեքավոր հարստությունը, որը տնօրինում է՝ սեփական ժամանակը:

Հիշում եք, թե ինչ է գրել Պուշկինը Քիշնեւից իր եղբորն ու քրոջը՝ Օլգային, 1822 թվականի հուլիսի 31-ին. «Ընթերցանությունն է լավագույն ուսումը»: Նայեք «Պուշկինի լեզվի բառարան»-ում (Մոսկվա, 1957) «գիրք» եւ «ընթերցանություն» բառերը: Որքան շատ է Պուշկինը գրում ընթերցանության, գրքի հետ իր սիրելի հերոսների շփման մասին:

Նամակ քսաներեքերորդ ԱՆՁՆԱԿԱՆ ԳՐԱԴԱՐԱՆՆԵՐԻ ՄԱՍԻՆ

Կարող եմ ասել՝ ահա գրքերը չեն հասնում նրանց, ովքեր դրանց կարիքն ունեն: Երբեմն ծառայում են որպես զարդարանք. ձեռք են բերվում գեղեցիկ կազմերի համար եւ այլն: Բայց դա այնքան էլ սարսափելի չէ: Գիրքը միշտ կգտնի նրան, ում պետք է: Օրինակ՝ գիրք է գնում մեկը, որը դրանով զարդարում է իր ճաշասեմյակը: Բայց չէ որ նա կարող է ունենալ եւ որդի, եւ եղբորորդիներ: Մենք հիշում ենք, թե ինչպես են մարդիկ սկսել հետաքրքրվել գրականությամբ՝ գրադարանների միջո-

ցով, որոնք գտել են իրենց հոր կամ իրենց հարազատների տանը: Այնպես որ գիրքը մի օր կգտնի իր ընթերցողին: Այն կարող է վաճառվել. դա մոյմպես վատ չէ, գրքերի ինչ-որ պաշար կլինի, հետո այն դարձյալ կգտնի իր ընթերցողին:

Ինչ վերաբերում է անձնական գրադարանին, ապա, կարծում եմ, այս հարցին պետք է խիստ պատասխանատվությամբ մոտենալ. ոչ միայն այն պատճառով, որ անձնական գրադարանը համարում են տիրոջ այցեքարտը, այլ որ այն որոշ դեպքերում դառնում է հեղինակության հանգամանք: Եթե մարդը գրքեր է գնում միայն հեղինակության համար, ուրեմն իզուր է դա անում: Առաջին իսկ զրույցի ժամանակ նա կմատնի իրեն: Պարզ կդառնա, որ նա գրքեր չի կարդացել, իսկ եթե ընթերցել է, ապա չի հասկացել:

Անհրաժեշտ չէ անձնական գրադարանը չափազանց մեծացնել, պետք չէ այն լցնել «մեկանգամյա ընթերցանությամբ» գրքերով: Այդպիսի գրքերն անհրաժեշտ է վերցնել գրադարանից: Տանը պետք է լինեն վերընթերցման գրքերը՝ դասականները (ընդ որում՝ սիրելիները), իսկ ամենից շատ՝ տեղեկատվություն, բառարաններ, մատենագիտություններ: Դրանք երբեմն կարող են փոխարինել մի ամբողջ գրադարանի: Անպայման մատենագիտություն վարեք ըստ ձեր մասնագիտության եւ այդ մատենագիտության քարտերի վրա մշեք, թե այդ գրքում ինչն է ձեզ թվում կարեւոր ու պետքական:

Կրկնում եմ. եթե գիրքը ձեզ անհրաժեշտ է միանգամայն ընթերցանության համար, այն պետք է ձեռք բերել: Իսկ անձնական գրադարան կազմելու արվեստը միայն գրքեր ձեռք բերելուց զերծ մնալն է:

Նամակ քսանչորսերորդ ԼԻՆԵՔ ԵՐՋԱՆԻԿ


(պատասխան դպրոցականի նամակին)

Սիրելի Սերյոժա, դու միանգամայն ճիշտ ես՝ սիրելով հին շեքերը, հին իրերը՝ այն ամենը, ինչ ուղեկցում էր մարդուն անցյալում եւ ուղեկցում է նրան այժմյան կյանքում: Այս ամենը ոչ միայն պարզապես մտել է մարդու գիտակցության մեջ, այլ ինքն ասես ինչ-որ բան ընդունել է մարդկանցից: Թվում է՝ իրերը նյութական են, բայց դրանք դարձել են մեր հոգեւոր մշակույթի մի մասը, միաձուլվել են մեր ներաշխարհին, որը պայմանականորեն կարելի է անվանել «հոգի»: Զ՞ի որ մենք ասում ենք՝ «ամբողջ հոգով», կամ՝ «դա իմն անհրաժեշտ է հոգու համար», կամ՝ «պատրաստված է հոգուն»: Ահա այդպես: Այն ամենը, ինչ արված է հոգով, բխում է հոգուց, մեզ անհրաժեշտ է հոգու համար. այդ իսկ է «հոգեւոր մշակույթը»: Որքան մարդը շրջապատված է այդ հոգեւոր մշակույթով, խորասուզված է դրա մեջ, այնքան երջանիկ է, այնքան նրա համար հետաքրքիր է ապրելը, կյանքը նրա համար ձեռք է բերում բովանդակալիություն: Իսկ աշխատանքի, ուսման, ընկերների ու ծանոթների, երաժշտության, արվեստի նկատմամբ զուտ ձեական վերաբերմունքի մեջ չկա այդ «հոգեւոր մշակույթը»: Այդ իսկ է «անհոգեւորությունը»՝ սարքի կյանքը՝ որեւէ բան չզգացող, անկարող սիրելու, ինքնագոհաբերվելու, բարոյական եւ գեղագիտական կատարելատիպեր ունենալու:

Եկեք երջանիկ մարդիկ լինենք, այսինքն՝ կապվածություններ ունեցող, ինչ-որ մշակալի բան խորապես ու լրջորեն սիրող, համուն սիրելի գործի եւ սիրելի մարդկանց ինքնագոհաբերվել կարողացող: Այդ ամենը չունեցող մարդիկ դժբախտ են՝ ձանձրալի կյանքով ապրող, իրենց՝ սին ձեռքբերումների կամ մանր, ստոր, «արագ փչացող» հաճույքների մեջ տարրալուծող:

Շարունակելի

Ռուսերենից թարգմանությունը՝
Տ. Անդրեաս վրդ. ԵՋԵՎՅԱՆԻ



Հայ եկեղեցին եւ արեւելահայ դպրոցը ԺԹ դարի երկրորդ կեսին

Սկիզբը՝ 2022-ի թիվ 23, 2023-ի թիվ 2

Ա. Եկեղեցական-ծխական դպրոցներ


Ծխական դպրոցները ստեղծվել են ԺԹ դարի 50–60-ական թվականներին, հայտնի էին նաեւ ծխական-եկեղեցական անվամբ, քանզի կից էին եկեղեցիներին. «Ծխական կամ սկզբնական կոչին այնու-քիչ եկեղեցական դպրոցաց, որը գտանքին առ իւրաքանչիւր եկեղեցեալ» («Արարատ», 1868, թիւ 6, էջ 70): Ծխական դպրոցները (միդասյա եւ երկդասյա) պահվում էին եկեղեցական միջոցներով, սաների վճարումներով եւ ժողովրդի նվիրատվություններով (տես *Լ. Սարգսեան*, Ժողովրդի կրթութեան գործը մեզանում, Սոսկուա, 1892, էջ 20): Քննվող ժամանակաշրջանում գործում էին արական, իգական եւ խառը դպրոցներ: 1860-ական թվականներին Ռուսական կայսրությունում կատարված բարեփոխումները, հասարակական-քաղաքական զարգացումները մեծ աշխուժություն են առաջացնում ուսումնակրթական բնագավառում:

1867 թ. հունիսի 14-ին Ա. Էջմիածնում Գետրոզ Դ Կոստանդնուպոլսեցին (1866–1882 թթ.) «Էջմիածնի կարող միաբաններին ուսումնական հանձնաժողով մը կազմեց» (*Ս. արք. Օրմանեան*, Ազգապատում, հտ. Գ, Ա. Էջմիածին, 2001, էջ 4874), որի պարտականություններն էին ուսումնարանների բոլոր խնդիրները հոգալը եւ հայոց եկեղեցական դպրոցների համար ընդհանուր կանոնադրություն մշակելը: Ստեղծված հանձնաժողովի անդամները գործի նորության պատճառով չեն կարողանում այն գլուխ բերել: Հայոց հայրապետը ստիպված վերականգնում է ուսումնական հանձնախումբը (տես անդ, հտ. Գ, էջ 4874): Այս մասին որոշ տեղեկություններ է հաղորդում «Արարատ» ամսագիրը (տես 1868-ի թիվ 6 համարը): Թեմերից եւ հոգեւոր ղեկավարությունից անհրաժեշտ տեղեկություններ ստանալուց հետո հանձնաժողովի անդամները կազմում են նոր կանոնադրություն: Նոր կանոնների ընդունումը հրատապ էր, քանզի հայ դպրոցը «գոյատեւում» էր առանց կանոնադրության, ինչն էլ իր հերթին ցարական իշխանություններին թույլ էր տալիս միջամտել կրթական համակարգի կազմակերպմանը: 1868 թ. հրապարակվում է ծխական դպրոցների կանոնադրությունը: Կանոնադրության համաձայն՝ դպրոցները բաժանվում են երեք կարգի՝ ծխական, վանական եւ թեմական. այս դպրոցների համար մշակվում է առանձին կանոնադրություն: Ուսումնական հանձնաժողովը թեմական դպրոցների համար միասնական կանոնադրություն մշակելու հետ միաժամանակ հրատարակում է նաեւ «Կանոն յաղագս ծխական հոգեւոր դպրոցացն հայոց որ ի Ռուսաստան»։ համաձայն այս կանոնադրության՝ «Ամենայն եկեղեցիք, որ ի քաղաքս

եւ ի գիւղօրէս, պարտին ունել ի սրահի իւրեանց զմի ծխական դպրոց» (*Ս. Քեթրուղեան*, Վաւերագրեր Հայ եկեղեցու պատմութեան, Գեորգ Դ Կոստանդնուպոլսեցի Քերեստէճեան Կաթողիկոս Ամենայն Հայոց, գիրք ԺԱ, Երեւան, 2004): Կանոնադրությունը հաստատում էր, որ ծխական դպրոցները պետք է կառավարվեին ժողովրդի ընտրած հոգաբարձուների միջոցով, այսինքն՝ հոգաբարձուները լինելու էին դպրոցի իրավական տերը, քանի որ նրանցից էր կախված ուսուցիչների ընտրության, նյութական միջոցների տնօրինության եւ զանազան այլ հարցեր: Սահմանվում էին նաեւ ծխական դպրոցներում ավանդվող առարկաները՝ կրոն, հայոց լեզու, ռուսաց լեզու, վայելչագրություն, երգ, թվաբանություն, իսկ իգական ծխական դպրոցներում՝ նաեւ ձեռագործ: 1860-ական թվականների վերջերին հիմնադրված Երմեզակի Ա. Կարապետ վանքի հոգեւոր-ծխական դպրոցում ուսուցանում էին կրոն, հայոց, ռուսաց եւ պարսից լեզուներ, թվաբանություն, երգ եւ վայելչագրություն (տես *Ս. Խուրդյան*, մշվ. աշխ., էջ 204): Սովորում էին 7–11 տարեկան երեխաները (եւ աղջիկներ, եւ տղաներ): Ուսուցումը տեւում էր 2–3 տարի. հնարավորության, նյութական միջոցների առկայության դեպքում կրթության տեւողությունն ավելանում էր 1–2 տարով (տես Վ. *Երկանյան*, Պայքար հայկական մոր դպրոցի համար Անդրկովկասում, էջ 45–46): Կանոնադրության համաձայն՝ ուսումնառությունը պետք է տեւեր ամբողջ տարին՝ առանց արձակուրդի: Այս ամենով հանդերձ՝ մոր մշակված կանոնները թերի էին, քանի որ ամբողջ վիճակում էր թողնված նյութական միջոցների հարցը, դասաժամերի տեւողության, ուսուցիչների իրավունքների, ուսումնական ծրագրերի հետ կապված զանազան բացթողումներ էին առկա: Եվ, որ ամենակարեւորն է, պարզ չէր, թե տարրական դպրոցն ինչով պետք է տարբերվեր բարձր աստիճանի դպրոցից:

Ծխական դպրոցները, բացի թեմական դպրոցի համար թեկնածուներ պատրաստելուց, հասարակության լայն խավերի տարրական կրթությունն ապահովելուց, իրենց գոյությամբ պայմանավորում էին բազմաթիվ կրթական, բարեգործական եւ մշակութային հիմնարկությունների գործունեությունը: Անկախ թերություններից՝ 1868 թ. դպրոցական կանոններն առաջին անգամ փորձում էին կանոնակարգել արեւելահայ կրթական գործը, պարզել ուսումնական հաստատությունների ենթակայության հարցը եւ այն հանձնել հոգաբարձուներին:

Գետրոզ Դ Կոստանդնուպոլսեցին լավ էր հասկանում լուսավորության կարեւորությունը եւ հաջողությունը միայն դպրոցների բարեկարգության մեջ էր տեսնում: Վարժարաններ բացելը եղավ Հայոց հայրապետի ամենօրյա մտահոգության առարկան: 1836 թ. Պոլսեցիներն թույլ էր տալիս յուրաքանչյուր եկեղեցուն կից ունենալ ծխական եւ հոգեւոր վարժարան. Գետրոզ Դ կաթողիկոսին հաջողվում է հայկական բազմաթիվ



դպրոցներ բացել: Այս առնչությամբ «Հայկական աշխարհ» օրագրի խմբագիր Ստեփանոս Ստեփանեն իր մի ուղերձում գրում է. «Ուսումնարաններ, ուսումնարաններ եւ միշտ ուսումնարաններ» փրկարար ծայրը հասնում է անդադար հայերի ակամջին» (*Ս. Աբեղյան*, մշվ. աշխ., էջ 86): Դեռեւս 1867 թ. մայիսի 25-ին գրված իր առաջին կոնդակում Գետրոզ Դ Կոստանդնուպոլսեցին եպիսկոպոսներին հանձնարարում էր իրենց թեմերում դպրոցներ, վարժարաններ բացել (*Ս. Քեթրուղեան*, մշվ. աշխ., էջ 103): Հայկական դպրոցներ բացելը ժամանակի պահանջ եւ օրակարգի հարց էր դարձել. համայնքի հարուստ ծխականները ձեռնարկում էին ուսումնական շենքերի կառուցումը: Մի անգամ Նոր Նախիջեւանի Նիսուխթա գյուղի պատգամավորները ներկայանում են Գետրոզ Դ Կոստանդնուպոլսեցուն եւ հայտնում, որ իրենց գյուղացիները եկեղեցու հիմն են կառուցում. Հայոց կաթողիկոսը հարցնում է՝ դպրոց ունե՞ն: Երբ նրանք պատասխանում են, որ չունեն, հայրապետը կարգադրում է նախ դպրոց կառուցել, ապա՝ եկեղեցի (տես *Ս. Աբեղյան*, մշվ. աշխ., էջ 88):

1886 թ. հուլիսին հրատարակվում է «Կանոնը եկեղեցական-ծխական ուսումնարանաց հայոց» ժողովածուն, իսկ «1886 թ. սեպտեմբերի վարժարաններն սկսան կանոնաւոր ընթացք վարել» (*Ս. արք. Օրմանեան*, մշվ. աշխ., էջ 5252): Նոր կանոնները մշակված էին 1884 թ. կանոնների պահանջներով: «Կանոնը եկեղեցական-ծխական ուսումնարանաց հայոց»-ը բաղկացած էր յոթ գլխից (ա. Հանրական կանոնը, բ. Յաղագս առաջնորդաց, գ. Յաղագս հոգաբարձուաց, դ. Յաղագս ուսուցչաց, ե. Յաղագս մանկավարժական խորհրդոյ, զ. Յաղագս աշակերտաց եւ աշակերտուհեաց, է. Յաղագս ուսման): «Հանրական կանոնը» գլխում ասվում էր.

ա. «Եկեղեցական-ծխական ուսումնարանը Հայոց կարգեալ են առ եկեղեցեօք եւ վանօրէիք ի քաղաքս եւ ի գեօղս ի տալ

մանկանց Հայոց երկուց սեռից զհոգեւոր կրթութիւն եւ զսկզբունս կարեւոր գիտելեաց:

բ. Եկեղեցական-ծխական ուսումնարանը բացեալ լինին հրամանաւ Վեհափառ Հայրապետի Ամենայն Հայոց եւ կառավարին ընդ ձեռն թեմակալ առաջնորդաց՝ համաձայն սոյն կանոնադրութեան եւ առանձին հրահանգօք Նորին Վեհափառութեան:

գ. Եկեղեցական-ծխական ուսումնարանը բաժանին յերկուս կարգս՝ Միդասեան (ոչ պակաս քան զերիս ամս) եւ երկդասեան (ամս հինգ):

դ. Ուսուցիչը եկեղեցական-ծխական ուսումնարանաց, եթէ վիճակահանութեամբ պարտաւորեցին զնալ ի զինուորութիւն, ազատը են յիսկական զինուորական ծառայութենէ. իսկ եթէ զտցին ի պաշտաման ուսուցչութեան... ազատին ի զինուորական հարկէն» («Կանոնը եկեղեցական-ծխական ուսումնարանաց հայոց», Վաղարշապատ, 1889, էջ 1–3):

«Յաղագս առաջնորդաց» գլխում ասվում էր, որ վիճակների առաջնորդները, կաթողիկոսի թույլտվությամբ, իրենց վիճակներում կարող են եկեղեցական-ծխական դպրոցներ բացել, որոնք պահվելու էին եկեղեցու միջոցներով, կամավոր նվիրատվություններով, աշակերտների վճարումներով: Բայց, ինչպես տեսնում ենք, ժողովրդական մամուլին աջակցությունների հանդեպ մեծ վստահություն չկար. Լեոն գրում է. «...առհասարակ չէր կարելի առանձին յոյս դնել ժողովրդի աջակցութեան վրայ հէնց այն պատճառով, որ գրագիտութեան եւ ազգային դաստիարակութեան պահանջը հետզհետէ ծաւալում էր, եւ թեմի զանազան կողմերում տեղական միջոցներով բացում էին եկեղեցական-ծխական դպրոցներ» (*Լեւոն*, Պատմութիւն Երեւանի հայոց թեմական հոգեւոր դպրոցի (1837–1912), էջ 13): Ա. Խուրդյանը գրում է, որ Ալեքսանդրապոլի Ա. Լուսավորիչ եկեղեցու հոգաբարձությունը դիմել է Հայոց կաթողիկոսին, որ իրենց քաղաքի Ա. Աստվածածին եկեղեցու մոմավաճառությունից ստացված գումարը հատկացվի Ա. Լուսավորիչ եկեղեցու ծխական դպրոցին: Այդ դիմումում նշվում էր, որ անցյալ տարիներին այդ արդյունքներից օգտվել է Ա. Աստվածածին եկեղեցու արական դպրոցը (տես *Ս. Խուրդյան*, մշվ. աշխ., էջ 20): «Արարատ» ամսագրի 1873 թ. օգոստոսյան համարում Վ. Բաստամյանը գրում է, որ Ալեքսանդրապոլի մի քանի ազգասեր եւ բարեպաշտ պարոններ, տեղեկանալով, որ սկսվել է Ա. Գալանյան վանքի դպրոցի շինարարությունը, հավաքել են իրեն էին հանձնել «հարկը եւ չորս ռուբլի 40 կ-ի նպաստ մոյն շինութեան» («Արարատ», 1873, թիւ 8, էջ 313): Նույն ամսագրի հաղորդմամբ՝ երբ Հովհաննէս Հովնաթանյանը ուխտի է գալիս Ա. Էջմիածին եւ տեսնում Գետրոզ Դ Կոստանդնուպոլսեցու բարեմիտ ձեռնարկներն ու բարեկարգությունները, նկատելի գումար է նվիրաբերում Վեհափառ Հայրապետի «ազգաշահ նպատակների անվթար իրագործման համար» (*Ս. Աբեղյան*, մշվ. աշխ., էջ 160):

Շարունակելի

Չաքարա սրկ. ԹԱԴԵՎՈՍՅԱՆ
Անահիտ ՊԵՏՐՈՍՅԱՆ

ՔՐԻՍՏՈՆՅԱ ՔԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրություն

Գլխավոր խմբագիր՝

Արկիմե Չանթիկյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com

qristhay@etchmiadzin.am

web կայք՝

krishayas.wordpress.com

etchmiadzinlibrary.am/en/kristonya-hayastan

Ստոր. տպագր. 16.02.2023 թ.

Տպաքանակը՝ 1225